

პრტლუცატრეტ ცყულა ქყყცნისა, შერთდით!

საქართველოს სოც.



საზოგადოებრივი რესპუბლიკის

მუშათა და გლეხთა მთავრობის

კანონთა და განკარგულებათა კრებული

იუსტიციის სასახლათ კომისარიატის გამოსცემა

1929 წ. ივლისის 10

№ 13

ნაწილი პირველი

შ ი ნ ა ა რ ს ი:

სრულიად საქართველოს მუშათა, გლეხთა და წითელ-არმიელთა დებუთატების საბჭოების V ყრილობის დადგენილებანი.

119. ამხ. გ. მაგლობლიშვილის მოხსენების გამო საქართველოს სსრ დარაიონების შესახებ.

120. ამხ. ბ. ჭიჭინაძის მოხსენების გამო საქართველოს სსრ მრეწველობის განვითარების ხუთწლიანი გეგმის შესახებ.

121. ამხ. ფ. მახარაძის მოხსენების გამო საქართველოს მთავრობის მოქმედების შესახებ.

122. ამხ. ს. ჯუღელის მოხსენების გამო სოფლის მეურნეობის და სასოფლო-სამეურნეო კოოპერაციის განვითარების საპერსპექტივო გეგმის შესახებ.

ცენტრალური აღმასრულებელი კომიტეტის და სახალხო კომისარია საბჭოს დადგენილებანი.

123. სამოქალაქო სამართლის კოდექსისათვის 57¹, 57², 79¹, 79², 81¹, 87¹, 181¹ და 181² მუხლების დამატებისა და ამავე კოდექსის 79 მუხლიდან შენიშვნის ამოშლის შესახებ.

124. სისხლის სამართლის კოდექსისათვის 143¹ მუხლის დამატების შესახებ.

125. მუშათა და გლეხთა წითელი მილიციის დებულების მე-19 და 20 მუხლების გაუქმების შესახებ.

126. „თავდაცვა-ავიაციის“ საზოგადოების მიერ მოსახლეობის განმედიროებისათვის წარმოებული მეცადინეობის დროს დაშვებულ მოქალაქეთა და მათი ოჯახის წევრთა უზრუნველყოფის შესახებ.

- 127. სახელმწიფო ჯიშინი თესლეულის ფონდის დებულების დამტკიცების შესახებ. დებულება სახელმწიფო ჯიშინი თესლეულის ფონდის შესახებ.
- 128. „ქალაქებში საბინაო ფონდის სპეციალური კაპიტალის შექმნის თაობაზე“ გამოცემული დადგენილების გაუქმების შესახებ.
- ✓ 129. სამეცნიერო დარგის მომუშავეთა ბინებში იძულებითი შეშვიდროებისა და გადასახლების აკრძალვის შესახებ.
- 130. საქართველოს სსრ სისხ. სამ. კოდექსისათვის 127¹, 127², 127³, და 127⁴ მუხლების დამატებისა და ამ კოდექსიდან 69 მუხლის ამოშლის შესახებ.
- 131. საქართველოს სსრ სახელმწიფო ნოტარიატის დებულების 46 მუხლის დამატების შესახებ.
- 132. ისეთ საქმეთა ქვედებარეობის შესახებ, რომლებითაც მუშათა და გლეხთა წითელი მილიციის უმაღლესი საკომანდო შედგენილობის პირთ ბრალდებათ ზოგიერთი თანამდებობარევი დანაშაული.

ცენტრალური აღმასრულებელი კომიტეტის დადგენილებანი.

133. სოფლის მოსახლეობის საგზაო შრომის ბეჯარის ღირებულების შეფარდების თაობაზე გამოცემული ინსტრუქციის მოქმედების ქალაქისა და ქალაქის ტიპის დასახლებული ადგილების მოსახლეობაზე გავრცელების შესახებ.

სახალხო კომისართა საბჭოს დადგენილებანი.

- 134. სენაკის მაზრის კურორტ „დებარდე“-ს სამთო-სანიტარული ზონის დაწესების შესახებ.
- 135. საქართველოს სსრ საწარმოთა 7 საათის სამუშაო დღეზე გადაყვანის შესახებ.
- 136. სასარგაო კომპრაქტის წევრ-შინამრეწველთა უფლებრივი მდგომარეობის შესახებ.
- 137. კომუნალური ლომბარდების ადგილობრივი გადასახადისა და გამოსაღებისაგან განთავისუფლების შესახებ.
- 138. მტკვარში და ზემოავჭალის ჰიდრო-ელექტრო-სადგურის რაიონში ორაგულისა და სხვა თევზის ჭერის აკრძალვის შესახებ.
- 139. „საქართველოს სსრ სახალხო კომისართა საბჭოს და ეკონომიური საბჭოს მიხედობილობათა აღსრულებისათვის კონტროლის გაწევის თაობაზე“ გამოცემული დადგენილების რედაქციის შეცვლის შესახებ.
- 140. საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობის დებულების შეცვლის შესახებ.
- 141. საქართველოს სსრ სახალხო კომისართა საბჭოს და ეკონომიური საბჭოს სამდივნოსთან არსებული სარედაქციო-იურიდიული განყოფილების დებულების რედაქციის შეცვლის შესახებ.
- 142. სამედიცინო და სპეცტრინაროქდარგის მომუშვეთა და აგრეთვე სასოფლო და სატყეო მეურნეობის სპეციალისტთა შეილების სასწავლებელში მიღების მზრივ მუშათა შეილებთან გათანასწოების შესახებ.
- 143. წითელი არმიის პოლიტ-განმანათლებელი დაწესებულებების მიერ მოსაწყობ სანახაობათა და გასართობათა ადგილობრივი გადასახადისა და გამოსაღებისაგან განთავისუფლების შესახებ.
- 144. საქართველოს სსრ ქალაქებში მუშათა საბინაო მშენებლობის წახალისების შესახებ.

სრულიად საქართველოს მუშათა, გლეხთა და წითელ-არმიელთა დეპუტატების საკავშირების V ყრილობის დადგენილება.

119. დადგენილება

ამხ. გ. მგალობლიშვილის მოხსენების გამო საქართველოს სსრ დარაიონების შესახებ.

სრულიად საქართველოს მუშათა, გლეხთა და წითელარმიელთა დეპუტატების საბჭოების მეხუთე ყრილობამ მოისმინა ამხ. გ. მგალობლიშვილის მოხსენება საქართველოს სსრ დარაიონების შესახებ და დაადგინა:

1. იმ მიზნით, რათა შექმნილ იქმნეს რაც შეიძლება ხელსაყრელი პირობები საქართველოს სსრ სახალხო მეურნეობის რაციონალური ორგანიზაციისათვის, რათა ადმინისტრაციული დაყოფა დაუკავშირდეს ქვეყნის ინდუსტრიული-ზაციის განვითარებისათვის და ამასთან ერთად სოფლის მეურნეობის სოციალისტურ საფუძვლებზე რეკონსტრუქციისათვის საჭირო ღონისძიებათა განხორციელებას და რათა მიღწეულ იქნეს რაც შეიძლება სწორი ორგანიზაცია მშრომელთა სოციალურ-კულტურული ცხოვრებისა და გაძლიერდეს საბჭოთა აღმშენებლობის საქმე, — საჭიროდ იქნეს ცნობილი საქართველოს სსრ დარაიონების პრაქტიკული გატარება.

2. დარაიონება გატარებულ იქნეს სამ-საფეხურიანი ადმინისტრაციული დაყოფის სისტემით: ოლქი—რაიონი—სოფლის საბჭო.

3. წინადადება მიეცეს აფხაზეთის სსრ, აჭარისტანის ავტონომიური სსრ და სამხრეთ-ოსეთის ავტონომიური ოლქის ცენტრალურ აღმასრულებელ კომიტეტებს შეიმუშაონ დარაიონების ზემოაღნიშნული პრინციპების საფუძველზე თავისი ქვემდებარე ტერიტორიის დარაიონების სათანადო პროექტი და წარუდგინონ იგი დასამტკიცებლად სრულიად საქართველოს ცენტრალურ აღმასრულებელ კომიტეტს.

4. საჭიროდ იქნეს ცნობილი, რათა დარაიონება მთელს რესპუბლიკაში გატარდეს იმ ანგარიშით, რომ იგი დამთავრებულ იქნეს 1929 წ. ოქტომბრის 1-ლისათვის.

5. წინადადება მიეცეს სრულიად საქართველოს ცენტრალურ აღმასრულებელ კომიტეტს საბოლოოდ შეიმუშაოს და მიიღოს, ზემოაღნიშნული პრინციპების საფუძველზე, დარაიონების პროექტი და გამოსცეს: 1) დებულება საოლქო და სარაიონო აღმასრულებელი კომიტეტებისა და სასოფლო საბჭოების შე-

სახებ; ბ) აქტი, რომელიც დაადგენს დარაიონებული ერთეულების საბიუჯეტო უფლებებს; გ) ძირითადი დებულებანი საბჭოთა აპარატის რეკონსტრუქციის შესახებ ახალი დარაიონების მიხედვით.

6. დაევალოს სათანადო ორგანოებს სახელმწიფო და ადგილობრივი ბიუჯეტები 1929—30 წლისთვის შეადგინონ ახალი დარაიონების მიხედვით.

სრულიად საქართველოს საბჭოთა მეხუთე ყრილობის
თავმჯდომარე მ. ცხაკაია.

სრულიად საქართველოს საბჭოთა მეხუთე
ყრილობის მდივანი ს. თოდრია.

1929 წ. აპრილის 13.
ქ. ტფილისი.

120. დადგენილება.

ამხ. ბ. კიკინაძის მოხსენების გამო საქართველოს სსრ მრეწველობის განვითარების ხუთწლიანი გეგმის შესახებ.

სრულიად საქართველოს მუშათა გლეხთა და წითელარმიელთა დეპუტატების საბჭოების მეხუთე ყრილობამ მოისმინა ამხ. ბ. კიკინაძის მოხსენება საქართველოს სსრ მრეწველობის განვითარების ხუთწლიანი გეგმის შესახებ და დაადგინა:

1. საქართველოს სსრ მთავრობის მიერ შემუშავებული საქართველოს სსრ მრეწველობის განვითარების ხუთწლიანი საპერსპექტივო გეგმა მოწონებულ იქნეს მისი პრინციპების მხრით და წინადადება მიეცეს სახალხო მეურნეობის უმაღლეს საბჭოს საფუძვლად დაუდვას იგი თავის მოქმედებას.

2. დაევალოს სრულიად საქართველოს ცენტრალურ აღმასრულებელ კომიტეტს საბოლოოდ დაამტკიცოს ზემოაღნიშნული გეგმა და შეიმუშაოს სათანადო ორგანოების სახელმძღვანელოდ უახლოესი წლებისათვის ამ გეგმიდან გამომდინარე პრაქტიკული ღონისძიებანი, რისთვისაც გათვალისწინებული უნდა იქნეს საბჭოთა ყრილობაზე გამოთქმული შენიშვნები და წინადადებანი.

სრულიად საქართველოს საბჭოთა მეხუთე
ყრილობის თავმჯდომარე მ. ცხაკაია.

სრულიად საქართველოს საბჭოთა მეხუთე
ყრილობის მდივანი ს. თოდრია.

1929 წ. აპრილის 13.
ქ. ტფილისი.

121. დადგენილება

ამხ. ფ. მახარაძის მოხსენების გამო საქართველოს მთავრობის მოქმედების შესახებ.

მოისმინა რა ამხ. ფ. მახარაძის მოხსენება საქართველოს სსრ მთავრობი მოქმედების შესახებ, სრულიად საქართველოს მუშათა, გლეხთა და წითელარმიელთა დეპუტატების საბჭოების მეხუთე ყრილობა საესებით იწონებს მთავრობის მოქმედებას, რაც მიმართული იყო ჩვენი ქვეყნის ეკონომიური და კულტურული წარმატების უზრუნველყოფისაკენ, ხაზს უსვამს რა საბჭოთა ხელისუფლების მიღწევებს საანგარიშო პერიოდის განმავლობაში საქართველოს რესპუბლიკის სახალხო მეურნეობის განვითარებისა და კულტურული და სოციალური მშენებლობის წინსვლის საქმეში—ყრილობა ამასთანავე ჩვენი ქვეყნის შემდგომი განვითარების უზრუნველყოფის მიზნით მომავალი მთავრობის სახელმძღვანელოდ აღნიშნავს შემდეგს:

ნრეწველობის დარგში.

მიუხედავად იმისა, რომ საქართველოს საბჭოთა სოციალისტური რესპუბლიკის მრეწველობის ხვედრითი წონა სახალხო მეურნეობის საერთო განვითარებაში სისტემატიურად და თვალსაჩინოდ იზრდება, საქართველო მრეწველობის ზრდის მხრით ჯერ კიდევ ჩამორჩენილია. ამის გამო ყრილობა საჭიროდ სცნობს გაძლიერებულ იქნეს ჩვენი ქვეყნის ინდუსტრიალიზაციის ტემპი, უპირველეს ყოვლისა კი განსაკუთრებული ყურადღება მიექცეს წარმოების საშუალებათა წარმოების განვითარებას, რათა მრეწველობის ამ დარგის ხვედრითი წონა საქართველოს ცენტრის მრეწველობის საერთო პროდუქციაში სათანადოდ გადიდდეს.

ამასთანავე, რადგანაც საქართველოს ბუნებრივი პირობები მეტად ხელსაყრელ ნიადაგს ქმნის სამთო და სამთო-საქარხნო მრეწველობის განვითარებისათვის, ყრილობას საჭიროდ მიაჩნია აღნიშნოს, რათა მთავრობამ განსაკუთრებული ყურადღება მიაქციოს საქართველოს საწარმოო ძალთა გამოკვლევას და შესწავლას და ამ მხრივ უფრო რეალური შედეგების მიღწევას.

შემდეგ, იღებს რა მხედველობაში იმ გარემოებას, რომ ჩვენი მრეწველობა ჯერ კიდევ საკმაოდ ვერ არის უზრუნველყოფილი ნედლი მასალით, რაც იწვევს, ერთის მხრით, ქარხნების არასათანადოდ დატვირთვას და, მეორეს მხრით, პროდუქციის თვითღირებულების გადიდებას, ყრილობა ავალებს მთავრობას მიიღოს ამ საქმეში გადამჭრელი ღონისძიებანი. ამ მიზნით მიღებულ უნდა იქნეს ენერგიული ზომები ჩვენი ქვეყნის ნედლეული რესურსების გამოყენების გასაძლიერებლად და მათ გასადიდებლად, რისთვისაც უპირველეს ყოვლისა საჭიროა არსებული და ახალი ტექნიკური და სპეციალური კულტურების განვითარება; ამასთანავე საჭიროა კიდევ უფრო გაფართოვდეს ნედლეულის გამოყენებისა და გადამამუშავების საქმე ადგილობრივ.

რადგანაც საქართველოს მრეწველობის პროდუქციის თვითღირებულების შემცირება საკმარისი არ არის და რადგანაც ის საკავშირო მრეწველობის თვითღირებულებასთან შედარებით თვალსაჩინოდ მალა სდგას, ყრილობა საქიროდ სცნობს მიღებულ იქნეს გადამჭრელი ზომები გვევით გათვალისწინებული სამრეწველო პროდუქციის თვითღირებულების შემცირების განსახორციელებლად.

მიუხედავად მრეწველობის განუწყვეტლივ ზრდისა, სამრეწველო საქონლის ნაკლებობა ჩვენში ჯერ კიდევ საგრძნობია. ამ მდგომარეობის გამოსასწორებლად ყრილობას საქიროდ მიაჩნია არსებული ქარხანა-ფაბრიკების სრული დატვირთვა და დაწყებული ქარხანა-ფაბრიკების რაც შეიძლება სწრაფი ტემპით დამთავრება და ამუშავება. ყრილობა ამასთანავე ავალებს მთავრობას დაჩქარებით დამუშავდეს საკითხი, თუ რამდენად შესაძლებელია ჩვენი ქარხანა-ფაბრიკების გადამყვანა ორ და სამ ცვლაზე.

ყრილობა აღნიშნავს არა საკმაო მიღწევებს შრომის ნაყოფიერების დარგში, შრომის ნაყოფიერება დაბალ დონეზე სდგას, როგორც საერთოდ მთელს მრეწველობაში, ისე განსაკუთრებით მრეწველობის იმ დარგებში, რომელსაც აერთიანებს საქართველოს სახალხო მეურნეობის უმაღლესი საბჭო. ამიტომ ყრილობა ავალებს მთავრობას გადადგას სათანადო ნაბიჯები ამ საქმეში დასახული გეგმის სავსებით განხორციელებისათვის. საქიროა აგრეთვე განსაკუთრებული ყურადღება მიექცეს სარაციონალიზაციო მუშაობის გაძლიერებას.

იღებს რა მხედველობაში იმ გარემოებას, რომ ჩვენი მრეწველობა სათანადოდ არ არის უზრუნველყოფილი კვალიფიკაციური მუშა-ხელით, ყრილობა საქიროდ სცნობს ფართო მასშტაბით მოეწყოს კვალიფიციური მუშა-ხელის მომზადება და გადამზადება.

მრეწველობის განვითარების და წარმატების საქმე მოითხოვს, რომ განსაკუთრებული ყურადღება მიექცეს სამრეწველო მუშათა ყოფა-ცხოვრების გაუმჯობესების საკითხს, რისთვისაც უპირველეს ყოვლისა საქიროა სამრეწველო რაიონებში მუშათა ბინების მშენებლობის გაძლიერება.

ყრილობა აღნიშნავს, რომ ახალი მშენებლობის სათანადოთ გათვება ჯერ კიდევ განხორციელებული არ არის, მშენებლობა მიმდინარეობს ნელი ტემპით, ის ძვირი ჯდება და ხარისხითაც მეტ-ნაწილად დამაკმაყოფილებელი ვერ არის. მშენებლობის პროცესში ხშირად ხდება პროექტების შეცვლა და გადაკეთება, რაც იწვევს ზედმეტ ხარხებს. ამიტომ ყრილობა ავალებს მთავრობას მიღებულ იქნეს გადამჭრელი ღონისძიებანი მშენებლობის უფრო ნორმალურად წარმოებისა და გათვებისათვის.

საქიროა ყოველ მხრივ შეეწყოს ხელი საწარმოო მუშათა თათბირების გამოცოცხლებას და მათ ჩაბმას მშენებლობის საქმეში.

აღნიშნავს რა საქართველოს სს რესპუბლიკის შედგენილობაში შემავალი ავტონომიური ერთეულების მრეწველობის შედარებით სუსტ განვითარებას, თუმცა ამ მხრით საანგარიშო პერიოდში საგრძნობი გარდატეხა მოხდა, ყრილობა ავალებს მთავრობას გააძლიეროს ავტონომიური ერთეულების მრეწველობის განვითარების ტემპი. საქიროა ავტონომიურ რესპუბლიკებში უპირველეს ყოვლისა

მოეწყოს ადგილობრივი სოფლის მეურნეობის ნედლეულის გადამმუშავებელი საწარმოები (სატყეო მრეწველობა, თუთუნი, ბამბა, აბრეშუმი, ტყავი და ხილის საკონსერვო ქარხნები).

სოფლის მეურნეობის დარგში.

ყრილობა ავალებს მთავრობას მიიღოს ყოველგვარი ზომები მოსავლიანობის სისტემატიური ზრდის უზრუნველსაყოფად. ამასთან დაკავშირებით საჭიროა სოფლის მეურნეობის მექანიზაციის ტენების გაძლიერება, აგრო-დანმარების საქმის უფრო ფართოდ განხორციელება, სოფლის მეურნეობის მინერალური სასუქით მომაგრება და სხვ. განსაკუთრებული ყურადღება უნდა მიექცეს სოფლის მეურნეობის მაგნებლებთან ბრძოლის გაფართოვების საქმეს. მთავრობამ უნდა გაიღოს ამისათვის საჭირო სახსარი.

რადგანაც მუშა-საქონლის საკითხს სოფლის მეურნეობისათვის პირველ-ხარისხოვანი მნიშვნელობა აქვს, ყრილობა ავალებს მთავრობას, გადადგმულ იქნეს პრაქტიკული ნაბიჯები ჩვენი სოფლის მეურნეობის მუშა-საქონლით უზრუნველყოფისათვის. განსაკუთრებული ყურადღება უნდა მიექცეს საქონლის ჯიშის გაუმჯობესებას. რადგანაც საძოვრების საკითხის მოუგვარებლობა ჩვენში არ იძლევა შესაძლებლობას მესაქონლეობის რიცხობრივი გადიდებისათვის საჭიროა ამ საკითხის მოგვარებას მთავრობამ მიაქციოს განსაკუთრებული ყურადღება. ამასთანავე აღნიშნავს რა თვალსაჩინო მიღწევებს საქონლის კირთან ბრძოლის საქმეში, ყრილობას საჭიროდ მიაჩნია განგვრძობილ იქნეს ენერგიული მუშაობა ამ მიმართულებით.

იღებს რა მხედველობაში, რომ მიწათმოწყობის განხორციელება, რაც ერთ-ერთი მთავარი პირობაა სოფლის მეურნეობის განვითარებისა, დამაკმაყოფილებელი ტემპით ვერ მიმდინარეობს და რომ ეს ტემპი 1927/28 წლ. შენედა, ყრილობა ავალებს მთავრობას დაჩქარებულ იქნეს მიწათმოწყობის ჩატარება და გამოინახოს სათანადო სახსარი სამიწათმომწყობო მუშაობის დაუბრკოლებლად წარმოებისათვის.

სამელიორაციო და საირიგაციო მუშაობის დარგში მთავრობამ ენერგიული ზომები უნდა მიიღოს მუშაობის ტემპის გაძლიერებისა და დაწყებული სამუშაოების საჩქაროდ დამთავრებისათვის, რისთვისაც საჭიროა მთავრობამ გაიღოს სათანადო სახსარი.

სოფლის მეურნეობის რეკონსტრუქციის განხორციელების მიზნით მთავრობამ უნდა იზრუნოს უფრო მეტი სასოფლო-სამეურნეო იარაღების და ტრაქტორების გასაყრცელებლად; ამასთან ერთად დიდი ყურადღება უნდა მიექცეს გავრცელებულ სასოფლო-სამეურნეო იარაღების და ტრაქტორების სრულიად და მიზანშეწონილად გამოყენებას. საჭიროა, რათა მოეწყოს სატრაქტორო კოლონიები და გაუმჯობესდეს ტრაქტორების გამოყენების სისტემა.

ამასთან ერთად განსაკუთრებული ყურადღება უნდა მიექცეს კოლექტიურ მეურნეობებს და საბჭოთა პამულებს, რათა ისინი უზრუნველყოფილ იქნენ სასოფლო-სამეურნეო იარაღებით. სასოფლო-სამეურნეო კრედიტი სავსებით უნდა

იქნეს გამოყენებული სოფლის საწარმოო ძალთა განვითარებისათვის და საწარმოო პროცესების კოოპერატიულად ჩამოყალიბებისათვის. ყრილობა აღნიშნავს, რომ ეს ხაზი არ არის დღეს დაკული სასოფლო-სამეურნეო კრედიტის საქმეში. საჭიროა აგრეთვე სოფლის მეურნეობის კრედიტების სფეროში გადიდებულ იქნეს გრძელვადიანი კრედიტის ხვედრითი წონა.

ყრილობა აღნიშნავს ღარიბთა დახმარებისა და მოსახლეობის კოოპერატიულად მოწყობის ფონდების სიმცირეს და ზოგჯერ მის არადანიშნულებისამებრ გამოყენებას, რისთვისაც ავალებს მთავრობას მიიღოს ზომები ამ ფონდების გასაღივებლად და მათ თავის დროზე დანიშნულებისამებრ გამოსაყენებლად.

აღნიშნავს რა, რომ ჩვენი ქვეყნის ტყეების მოვლა-პატრონობა სათანადო სიმაღლეზე ვერ სდგას, რის გამოც კვლავ გრძელდება ტყეების არარაციონალური გამოყენება და ხშირად კი მათი მტაცებლური ექსპლოატაცია, ყრილობა ავალებს მთავრობას მიიღოს ენერგიული ზომები სატყეო მეურნეობის საქმის მოსაწესრიგებლად, კერძოდ, საჭიროა ტყეების მოწყობის სასწრაფო წესით ჩატარება და მათი დაცვის საქმის გაძლიერება.

საგზაო მშენებლობის დარგში.

იღებს რა მხედველობაში იმ გარემოებას, რომ სახალხო მეურნეობის განვითარება მჭიდროდ დაკავშირებულია საგზაო მშენებლობის საქმესთან და რომ ჩვენი რესპუბლიკის გზების მდგომარეობა ძალზედ ჩამორჩება სახალხო მეურნეობის ზრდის ტემპს, ყრილობა საჭიროდ სცნობს გაძლიერებულ იქნეს მუშაობა საგზაო მშენებლობის საქმეში, განსაკუთრებით რესპუბლიკის ისეთ რაიონებში, როგორც არის ახალციხის, ახალქალაქის, ბორჩალოს მაზრა და საქართველოს სსრ შედგენილობაში შემავალი ავტონომიური ერთეულები. ამასთანავე ენერგიული ზომები უნდა იქნეს მიღებული, ერთის მხრით უკვე დაწყებული გზების (ხევსურეთის, სვანეთის და სხვ.) რაც შეიძლება სწრაფი დამთავრებისათვის და, მეორეს მხრით, არსებული გზების სათანადოდ შეკეთებისათვის.

კოოპერაციის დარგში.

ყრილობა აღნიშნავს, რომ საანგარიშო წლების განმავლობაში ჩვენმა კოოპერაციამ თვალსაჩინო ნაბიჯები გადადგა წინ. მიუხედავად ამისა კოოპერატიული მშენებლობა, რომელიც სოციალიზმის მთავარი ფუძეა, მოითხოვს განსაკუთრებულ ყურადღებას ხელისუფლების ორგანოების მხრივ. საჭიროა ენერგიული ზომების მიღება იმ ნაკლთა (კლასიური ხაზის გამრუდება და სხვ.) გამოსაწოყრებლად, რაც შემჩნეულია სასოფლო-სამეურნეო და სარეწაო კოოპერაციაში საჭიროა მეტი ყურადღება მიექცეს მოსახლეობის თავესუფალი სახსარის გამოყენებას კოოპერატიულ ბრუნვაში და კოოპერაციის აპარატის გაჯანსაღებას.

სახალხო განათლების დარგში.

ყრილობა აღნიშნავს საქართველოს საბჭოთა ხელისუფლების თვალსაჩინო მიღწევებს სახალხო განათლების საქმეში და ავალებს მთავრობას მიიღოს ზო-



მები კულტურულ-განმანათლებელი მუშაობის კიდე უფრო გასაძლიერებლად. ყრილობა ხაზს უსვამს იმ გარემოებას, რომ სახალხო განათლების საქმეს განსაკუთრებული ყურადღება უნდა მიექცეს რესპუბლიკის უფრო ჩამორჩენილ რაიონებში და მაზრებში, როგორც არის ახალქალაქი, ბორჩალო, სამხრეთ-ოსეთის ავტ. ოლქი და სხვ.

აღნიშნავს რა, რომ მთელი რიგი სკოლები და სახელმწიფო უნივერსიტეტის დაწესებულებანი ჯერ კიდევ ვერ არიან უზრუნველყოფილი საჭირო და აუცილებელი მოწყობილობით, რაც მათ მუშაობას ძალზე აფერხებს, ყრილობა ავალებს მთავრობას გამოიხაოს სახსარი, რათა ჩვენი სკოლები და უმაღლესი სასწავლებლები მომარაგებულ იქნენ სათანადო კაბინეტებით, ლაბორატორიებით და სხვ. ამასთანავე საჭიროა განსაკუთრებული ყურადღება მიექცეს გლეხთა ახალგაზრდობის სკოლების უკეთ მოწყობას, უმთარესად მათი სოფლის მეურნეობასთან მეტი დაკავშირების ხაზით.

ჯანმრთელობის დარგში.

იღებს რა მხედველობაში—სახალხო ჯანმრთელობის საქმის წარმატებით ზრდას, ყრილობას ამასთანვე საჭიროდ მიაჩნია მუშაობის შემდგომი გაძლიერება, განსაკუთრებით პროვინციაში და რესპუბლიკის ჩამორჩენილ რაიონებში (ახალციხე, ახალქალაქი, ბორჩალო და სამხრეთ-ოსეთის ავტ. ოლქი). რათა სოფლის მოსახლეობა უზრუნველყოფილ იქნეს საექიმო-დახმარებით, საჭიროა სასოფლო-საექიმო დაწესებულებათა ქსელის გაფართოება, არსებულ დაწესებულებათა ხარისხის გაუმჯობესება და საფერწლო პუნქტების თანდათან შეცვლა საექიმო პუნქტებად.

ამასთან ერთად საჭიროა გაძლიერებულ იქნეს საერთო გამაჯანსაღებელი ღონისძიებანი სანიტარული ზედამხედველობის ორგანიზაციისა, სანიტარულ-პროფილაქტიურ დაწესებულებათა ქსელის გაფართოებისა, საგანმანათლებელი მუშაობის განვითარებისა და სოციალურ-პროფესიონალურ სენებთან ბრძოლის გაძლიერების საშუალებით. განსაკუთრებული ყურადღება უნდა მიექცეს მალარიასთან ბრძოლას—ქინაქინის შემოტანის გაძლიერებისა და ადგილების გამაჯანსაღებელ პროფილაქტიურ ღონისძიებათა გაძლიერების საშუალებით.

ვინაიდან უდიდესი მნიშვნელობა აქვს ბავშვთა სიკვდილიანობასთან ბრძოლას და მოსახლეობის გაჯანსაღებას ბავშობიდანვე, ყრილობა საჭიროდ სთვლის გამოყოფილ იქნეს ადგილობრივი ბიუჯეტით სათანადო სახსარი სოფლებში, სამრეწველო რაიონებში, მომთაბარეთა შორის და კოლექტიურ მეურნეობებში დედათა და ბავშვთა დაცვის დაწესებულებების—კონსულტაციებისა, ბაგებისა, მშობიარეთა საწოლებისა და სასკოლო სასანიტარო ზედამხედველობის—მოწყობისათვის. მიღებულ უნდა იქნეს აგრეთვე ზომები მუშა-ახალგაზრდობის გაჯანსაღებისათვის და ფიზიკურ კულტურაზე საექიმო კონტროლის დაწესებისათვის.

აღნიშნავს რა საკურორტო საქმის განვითარების უაღრეს მნიშვნელობას, ყრილობა ავალებს მთავრობას სათანადო ყურადღება მიაქციოს სახელმწიფო



კურორტების მშენებლობის გაძლიერებას და ადგილობრივი მნიშვნელობის კურორტების მაქსიმალურად გამოყენებას.

ეროვნულ უმცირესობათა და კულტურული და ეკონომიური დონის ამაღლება.

ყრილობა განსაკუთრებით აღნიშნავს, რომ რესპუბლიკის ზოგიერთი მაზრებისა და რაიონების (ახალქალაქი, ახალციხე და ბორჩალოს მაზრები) კულტურული და ეკონომიური დონე მეტად დაბალია. ამის გამო ყრილობას საჭიროდ მიიჩნია, მიღებულ იქნეს გადამჭრელი ზომები ამ რაიონების სახალხო მეურნეობისა და კულტურული ცხოვრების განვითარების ტემპის გასაძლიერებლად. კერძოდ, ყრილობა ავალებს მთავრობას მომავალში სახალხო მეურნეობისა და კულტურული მშენებლობისათვის ბიუჯეტით გათვალისწინებული სახსრიდან ხსენებული რაიონების საჭიროებისათვის გადადებულ იქნეს ისეთი რაოდენობის თანხები, რაც უზრუნველყოფს მათი კულტურულ-ეკონომიური განვითარების სათანადო ტემპს.

სახელმწიფო სამეურნეო და კოოპერატიულ აპარატის გაჯანსაღება.

აღნიშნავს რა, რომ ბრძოლა საბჭოთა აპარატის გაჯანსაღებისათვის და კერძოდ ბიუროკრატიზმის მოსპობისათვის, მიუხედავად ზოგიერთი მიღწევებისა, სათანადო სიმტკიცით ვერ სწარმოებს და რომ ამ მხრით ჯერ კიდევ ბევრი რამ არის გასაკეთებელი, ყრილობა ავალებს მთავრობას აწარმოოს სისტემატიური და უღონოებელი ბრძოლა საბჭოთა აპარატის საბოლოო გაჯანსაღებისათვის და ბიუროკრატიზმის აღმოფხვრისათვის. საჭაროა, რომ საბჭოთა აპარატი საბოლოოდ გაიწმინდოს გაუსწორებელი ბიუროკრატებისაგან, ძველი ტიპის ჩინოვნიკებისაგან და საბჭოთა ხელისუფლებისადმი მტრულად განწყობილი ელემენტებისაგან. ამასთან დაკავშირებით ყრილობას საჭიროდ მიიჩნია განსაკუთრებული ყურადღება მიექცეს მუშათა კლასის და გლეხობის უფრო ფართოდ ჩაბმას საბჭოთა აღმშენებლობის საქმეში.

წითელი არმია.

მიუხედავად იმისა, რომ საბჭოთა ხელისუფლება საერთაშორისო ურთიერთობის დარგში მტკიცედ ადგია მშვიდობიანი პოლიტიკის გზას, ყველა მუშისა და გლეხისათვის ცხადია, რომ ჩვენი ქვეყნის მტრები არ ცხრებიან და კვლავ განაგრძობენ, ამა თუ იმ სახით, მზადებას საბჭოთა ქვეყნის წინააღმდეგ. იღებს რა მხედველობაში ამ გარემოებას, ყრილობა ავალებს მთავრობას განაგრძონ მუშაობა ჩვენი წითელი არმიის განმტკიცებისათვის და მისი ბრძოლის უნარის გაძლიერებისათვის. განსაკუთრებით საჭიროა კონკრეტული ზომების მიღება, სათანადო სახსარის გაღების საშუალებით, წითელი არმიის ნაწილების ყოფაცხოვრების პირობების გასაუმჯობესებლად.

სრულიად საქართველოს საბჭოთა მეხუთე ყრილობის თავმჯდომარე **მ. ცხაკაია.**
 სრულიად საქართველოს საბჭოთა მეხუთე ყრილობის მდივანი **ს. თოდრია.**

1929 წ. აპრილის 15.

ჭ. ტფილისი.

122. დადგენილება

ამბ. ჯუღელის მოხსენების გამო სოფლის მეურნეობის და სასოფლო-სამეურნეო კოოპერაციის განვითარების საპერსპექტივო გეგმის შესახებ.

სრულიად საქართველოს მუშათა, გლეხთა და წითელარმიელთა დეპუტატების საბჭოების მეხუთე ყრილობამ მოისმინა ამბ. ს. ჯუღელის მოხსენება საქართველოს სოფლის მეურნეობისა და სას.-სამეურნეო კოოპერაციის განვითარების საპერსპექტივო გეგმის შესახებ და აღნიშნავს, რომ გეგმა საერთოდ სწორად სახავს საქართველოს სსრ სოფლის მეურნეობის განვითარებას ტექნიკური და სპეციალური კულტურების და სამრეწველო მესაქონლეობის ხაზით, პურეული კულტურების საერთო პროდუქციის გადიდებასთან ერთად, სოციალისტური სექტორის (კოლმეურნეობანი, საბჭოთა მეურნეობანი და სას.-სამეურნეო კოოპერაცია) გაძლიერებისა და გაფართოების საფუძველზე.

საბჭოთა ყრილობა აღნიშნავს, რომ გეგმის სწორი განხორციელება შესაძლებელია მხოლოდ იმ შემთხვევაში, თუ მტკიცედ და ურყევად იქნება გატარებული პრინციპი უღარიბეს გლეხობაზე დაყრდნობისა და საშუალო გლეხობასთან კავშირისა—სოფლის კულაკურ ელემენტების წინააღმდეგ.

გეგმით გათვალისწინებული ცალკე საკითხების გამო საბჭოთა ყრილობას საჭიროდ მიაჩნია აღნიშნოს შემდეგი:

1. გეგმით გათვალისწინებული ტემპი საქართველოს სოფლის მეურნეობის კოლექტივიზაციისა, რომლის მიხედვითაც ხუთწლედის ბოლოს კოლმეურნეობათა მიერ გაერთიანებულ უნდა იქნეს გლეხურ მეურნეობათა 16%, უნდა ჩაითვალოს მინიმალურად და მიღებულ უნდა იქნეს ყველა ღონისძიება, რათა კოლმეურნეობათა მშენებლობაში ჩაებას მშრომელი გლეხობის მეტი პროცენტი.

ყრილობა აღნიშნავს, რომ საჭიროა უზრუნველყოფილ იქნეს კოლმეურნეობათა არა მარტო რიცხობრივი ზრდა, არამედ მათი ხარისხობრივი განმტკიცებაც, — კოლმეურნეობათა განვრცობისა, მათთვის საწარმოო საშუალებათა მიწოდებისა, სასოფლო-სამეურნეო ტერიტორიის სწორი ორგანიზაციისა და ნამდვილი და სწორი ორგანიზაციული და აგრონომიული ხელმძღვანელობის გზით.

2. საბჭოთა მეურნეობის დარგში ყრილობას, არსებულ მეურნეობათა განმტკიცებასა და გაძლიერებასთან ერთად, საჭიროდ მიაჩნია ახალი საბჭოთა მეურნეობების ფართო მშენებლობა, განსაკუთრებით ახლად მელიორაციაქმნილ და ახალი კულტურების განვითარების რაიონებში.

მომავალში საჭიროა განსაკუთრებული ყურადღება მიექცეს იმ გარემოებას რომ საბჭოთა მეურნეობების აგრიკულტურული და საჩვენებელი როლი გაძლიერებულ იქნეს.

განსაკუთრებული ყურადღება უნდა მიექცეს საბჭოთა მეურნეობებში ჩამოყალიბებული სას.-სამეურნეო პროლეტარიატის ყოფა-ცხოვრების და ნივთიერი პირობების გაუმჯობესებას.

3. ითვალისწინებს რა სას.-სამეურნეო კოოპერაციის მნიშვნელობას ინდივიდუალურ ღარებ და საშუალო შეძლების გლეხურ მეურნეობათა ორგანიზაციისა, მათზე სოციალისტური სექტორის გავლენის უზრუნველყოფისა და მათთვის წარმოებითი დახმარების აღმოჩენის საქმეში, ყრილობა აღნიშნავს სას.-სამეურნეო კოოპერაციის რიცხვობრივი და ხარისხობრივი ზრდის მნიშვნელობას, რაც გეგმით გათვალისწინებულია. ამასთანავე, მიწოდება-გასაღების ოპერაციებთან ერთად განსაკუთრებული ყურადღება უნდა მიექცეს წარმოებითი კოოპერატიულად გაერთიანების განვითარებას სოფლის მეურნეობის სპეციალური დარგების მიხედვით.

აღნიშნავს რა სოფლის მეურნეობის პროდუქციის კონტრაქტაციის განსაკუთრებულ მნიშვნელობას, ყრილობას საჭიროდ მიაჩნია სოფლის მეურნეობის სასაქონლო პროდუქციის ძირითადი მასის კონტრაქტაციის უზრუნველყოფა; ამასთანავე გაძლიერებულ უნდა იქნეს კონტრაქტაციის აგრიკულტურული და წარმოებითი როლი.

4. რადგანაც მცირე მიწიანობა, აგრარული მოსახლეობის სიჭარბე და პურეულის დეფიციტი გვიკარნახებს ჩვენი პურეული კულტურების მოსავლიანობის მაქსიმალურად გადიდებას, ყრილობა ავალებს მთავრობას უახლოეს მომავალში დეტალურად შეისწავლოს მოსავლიანობის გადიდების საკითხი და გამოიმუშაოს სათანადო ღონისძიებანი, რათა უზრუნველყოფილ იქნეს მოსავლიანობის გადიდების უფრო დიდი ტემპი, ვიდრე გეგმით გათვალისწინებულია (18⁰/₁₀₀-ი).

5. აღნიშნავს რა იმ ტემპის სისწორეს, რაც გათვალისწინებულია გეგმით მემცენარეობის ცალკე დარგების, კერძოდ, ტექნიკური კულტურების, ჩაის, მევნახეობის და სხვა განვითარების საქმეში,—ყრილობას საჭიროდ მიაჩნია დაჩქარებულ იქნეს სუბტროპიკული კულტურების განვითარება, რასაც განსაკუთრებული მნიშვნელობა აქვს მრეწველობის ნედლეულობის ბაზის გაფართოებისა და იმპორტის შემცირების თვალსაზრისით.

6. ითვალისწინებს რა, რომ მესაქონლეობის რიცხობრივი და ხარისხობრივი განვითარების ძირითად პირობას საკვები ბაზის გაფართოება წარმოადგენს, ყრილობა აღნიშნავს იმ ღონისძიებათა განსაკუთრებულ მნიშვნელობას, რაც ამ მიზნისაკენ არის მიმართული, კერძოდ, საკვები კულტურების განვითარების და საძოვრების მოწყობის დარგში.

ამასთან ერთად ყრილობას აუცილებლად მიაჩნია მეფრინველეობის განვითარების ტემპის დაჩქარება.

7. იმ ღონისძიებათა შორის, რაც სოფლის მეურნეობის განვითარების დასახული ტემპის უზრუნველსაყოფად გეგმით გათვალისწინებულია, საბჭოთა ყრილობას განსაკუთრებული მნიშვნელობის მქონედ მიაჩნია ღონისძიებანი სას.-სამეურნეო ტერიტორიის ორგანიზაციისათვის (მელიორაცია, მიწათმოყვობა და გადასახლება).

ითვალისწინებს რა მიწის ნაკლებობას და უფარგისი და ნაკლებად ვარგისი მიწების თვალსაჩინო რაოდენობას; ყრილობას უაღრეს მნიშვნელობას აძლევს

დაწყებულ დიდ სამელიორაციო (მორწყვა, ამოშრობა) სამუშაოთა დამთავრებას და ახალ სამუშაოთა დაწყებას.

ამასთანავე, ყრილობას საჭიროდ მიაჩნია დიდი ყურადღება მიექცეს წერილ სამელიორაციო სამუშაოებს და მდინარეთა ნაპირების გამაგრებას.

ყრილობა საჭიროდ სცნობს გაძლიერებულ იქნეს მიწათმოწყობის წარმოება ისე რომ პირველ რიგში მოწყობილ იქნეს კოლმეურნეობანი.

რადგანაც წარსულში ჩატარებული მიწათმოწყობის შედეგი საცესებით დამაკაყოფილებელი ვერ არის, ყრილობა ავალებს მთავრობას გამოიმუშაოს ახლო მომავალში მიწათმოწყობის სათანადო მეთოდები, რაც უზრუნველყოფს ისეთ მუშაობას, რომ მიწათმოწყობა საცესებით შეეფერებოდეს გლეხურ მეურნეობათა კოლექტივიზაციას და კოოპერატიულად შეკავშირებას, ღარიბი და საშუალო გლეხობის მეურნეობის განვითარებას და სოფლად კლასიური პოლიტიკის გატარებას.

8. საბჭოთა ყრილობას საქართველოს სოფლის მეურნეობის ინტენსიფიკაციისა და რაციონალიზაციის თვალსაზრისით მეტად მნიშვნელოვანად მიაჩნია ღონისძიებანი გლეხურ მეურნეობათათვის ძირითად საწარმოო საშუალებების მიწოდების დარგში (სას.-სამ. მანქანა-იარაღების, მუშა-საქონლის და მინერალური სასუქის მიწოდება, სას.-სამეურნეო შენობებით უზრუნველყოფა და სხვ.).

ამასთანავე ყრილობა საჭიროდ სცნობს უზრუნველყოფილ იქნეს არსებული სას.-სამეურნეო ინვენტარის, განსაკუთრებით რთულ სას.-სამეურნეო მანქანების, ტრიერების და ტრაქტორების, სრული დატვირთვით გამოყენება, რის გამოც ავალებს მთავრობას შეიმუშაოს და განახორციელოს სათანადო ღონისძიებანი.

9. აღიარებს რა, რომ სათესლე მასალის გაუმჯობესებას უაღრესი მნიშვნელობა აქვს, — ყრილობა აღნიშნავს სათესლე ფონდის შექმნის აუცილებლობას და მეთესლეობის ისეთი განვითარების საჭიროებას, რაც უზრუნველყოფს ხარისხოვანი და გაუმჯობესებული თესლის გლეხურ მეურნეობათა შორის მაქსიმალურად გავრცელებას.

10. იღებს რა მხედველობაში, რომ სოფლის მეურნეობის საწარმოო ძალთა განვითარებისა და, კერძოდ, მოსავლიანობის გადიდების პრობლემა განსაკუთრებული სიცხოველით აყენებს ჩვევს წინაშე გლეხურ მეურნეობაზე აგრიკულტურული ზეგავლენის საჭიროებას, საბჭოთა ყრილობა საჭიროდ სცნობს ყოველგვარად ხელი შეეწყოს აგროოორგანიზაციის გაძლიერებას, როგორც მისი რიცხობრივი ზრდის ხაზით, ისე არსებული ქსელის გაწყობილობის გაუმჯობესებისა და აგრონომების კვალიფიკაციის აწევის მხრივ.

აღნიშნავს რა, რომ აგრიკულტურულ ღონისძიებათა სისტემაში უაღრესად დიდი მნიშვნელობა აქვს მარტო აგრიკულტურულ ღონისძიებათა მინიმუმის გატარებას და აგრო-რწმუნებულთა ინსტიტუტის შექმნას, საბჭოთა ყრილობა ავალებს მთავრობას განახორციელოს აღნიშნული ღონისძიებანი უახლოეს დროში.

ქანსრალური აღმასრულებელი კომისიის და სა- ხალხო კომისარტა საგჟოჲს დადგენილებაჲნი

123. დადგენილება ც. ა. კ. და ს. კ. ს.

სამოქალაქო სამართლის კოდექსისათვის 57¹, 57², 79¹, 79², 81¹, 87¹, 181¹,
და 181² მუხლების დამატებისა და ამავე კოდექსის 79 მუხლიდან შენიშვნის
ამოშლის შესახებ.

სრულიად საქართველოს საბჭოთა მეორე მოწვევის ცენტრალური აღმას-
რულებელი კომიტეტის მეორე სესიის 1924 წ. მარტის 18-ს თარიღისა და 77
№-ის დადგენილების მე-2 მუხლის თანახმად სრულიად საქართველოს ცენტრა-
ლური აღმასრულებელი კომიტეტი და საქართველოს სსრ სახალხო კომისარტა
საბჭო აღდგენენ:

I.

სამოქალაქო სამართლის კოდექსს დაემატოს 57¹, 57², 79¹, 79², 81¹, 87¹,
181¹ და 181² მუხლები შემდეგი შინაარსისა;

„მუხ. 57¹. ისეთ ნაკვეთზე აღებული შენობა, რაც მუშათა ან საერთო სა-
მოქალაქო საბინაო მშენებლობის კოოპერატიულ ამხანაგობას უვადო სარგებლო-
ბისათვის მიეცა (71 მუხ. შენიშვნა), შეადგენს ამ ამხანაგობის კოოპერატიულ
საკუთრებას: ამასთანავე, მიწის ნაკვეთის უვადო სარგებლობის უფლება განუყო-
ფლად დაკავშირებულია შენობაზე საკუთრების უფლებასთან და მოიხსობა ამ
უფლების მოსპობასთან ერთად“.

„მუხ. 57². მუშათა ან საერთო სამოქალაქო საბინაო მშენებლობის კოოპე-
რატიული ამხანაგობის წევრს უფლება აქვს მუდმივად, მთელი იმ დროის გან-
მავლობაში, რაც ამხანაგობას აღნაგობის უფლება ან შენობაზე საკუთრების
უფლება ექნება (მუხ. 57¹), ისარგებლოს საცხოვრებელი სადგომი, რომლის სიერცე
დამოკიდებულია იმაზე, თუ რამდენი პაი ეკუთვნის ამ წევრს. საერთო სამოქა-
ლაქო საბინაო მშენებლობის კოოპერატიული ამხანაგობის წევრის ზემოაღნიშ-
ნული უფლება გადადის მემკვიდრეობით საერთო საფუძველზე“.

„მუხ. 79¹. მუშათა საბინაო მშენებლობის კოოპერატიულ ამხანაგობას შე-
უძლიან თავისი აღნაგობის უფლება გაასხვისოს მხოლოდ სახელმწიფო ორგა-
ნოზე ან მუშათა საბინაო მშენებლობის სხვა კოოპერატიულ ორგანიზაციაზე,
ხოლო საერთო სამოქალაქო საბინაო მშენებლობის კოოპერატიულ ამხანაგო-
ბას შეუძლიან თავისი აღნაგობის უფლება გაასხვისოს მარტოოდენ სახელმწიფო
ორგანიზაციაზე ან კოოპერატიულ ორგანიზაციაზე.

ოგივე წესი სათანადოდ გავრცელდება ისეთ შემთხვევაზედაც, როდესაც
ანიშნულ ამხანაგობათა აღნაგობის უფლება იყიდება საჯარო ვაჭრობით“.

„მუხ. 79². მუშათა და საერთო სამოქალაქო საბინაო კოოპერატიულ ამხანაგობათა აღნაგობს უფლების დაგირავება შეიძლება მარტოოდენ ისეთ სახელმწიფო ორგანოში, კოოპერატიულ ორგანიზაციაში ან საკრედიტო დაწესებულებაში, რომელთაც თვისი დებულების ან წესდების ძალით შეუძლიანთ დივიზიონ აღნაგობის უფლება“.

„მუხ. 81¹. კერძო პირს არ შეუძლიან მუშათა ან საერთო სამოქალაქო საბინაო მშენებლობის კოოპერატიულ ამხანაგობათა აღნაგობის უფლებაზე მიაქციოს გადახდევინება ამ ამხანაგობათა ვალდებულების გამო“.

„მუხ. 87¹, ის შენობა, რომელიც მუშათა ან საერთო-სამოქალაქო საბინაო მშენებლობის კოოპერატიული ამხანაგობის საკუთრებას შეადგენს, შეიძლება დაგირავებულ იქნეს მარტოოდენ ისეთ სახელმწიფო ორგანოში, კოოპერატიულ ორგანიზაციაში და საკრედიტო დაწესებულებაში, რომელთაც თვისი დებულების ან წესდების ძალით შეუძლიანთ დივიზიონ აღნაგობის უფლება“.

„მუხ. 181¹. კერძო პირს არ შეუძლიან მუშათა ან საერთო სამოქალაქო საბინაო მშენებლობის კოოპერატიულ ამხანაგობათა ვალდებულების გამო გადახდევინება მიაქციოს ისეთ შენობაზე, რაც ამ ამხანაგობის კოოპერატიულ საკუთრებას შეადგენს“.

„მუხ. 181². ის შენობა; რომელიც მუშათა საბინაო მშენებლობის კოოპერატიული ამხანაგობის კოოპერატიულ საკუთრებას შეადგენს (მუხ. 57¹), შეიძლება ამ ამხანაგობის მიერ გასხვისებულ იქნეს მარტოოდენ სახელმწიფო ორგანოზე ან სხვა რომელიმე მუშათა საბინაო მშენებლობის კოოპერატიულ ამხანაგობაზე, ხოლო ისეთი შენობა, რომელიც საერთო სამოქალაქო საბინაო მშენებლობის კოოპერატიულ ამხანაგობის საკუთრებას შეადგენს, შეიძლება ამ ამხანაგობის მიერ გასხვისებულ იქნეს მარტოოდენ სახელმწიფო ორგანოზე ან კოოპერატიულ ორგანიზაციაზე.

იგივე წესი სათანადოდ გავრცელდება იმ შემთხვევაზედაც, როდესაც აღნიშეულ ამხანაგობათა კუთვნილი შენობა იყიდება საჯარო ვაჭრობით“.

II.

სამოქალაქო სამ. კოდექსის 79 მუხლიდან ამოიშალოს შენიშვნა (კანკრებ. 1927 წ. მე-7 №-რი, მუხ. 91).

სრულიად საქართველოს ცენტრალური აღმასრულებელი
 კომიტეტის თავმჯდომარის მაგ. ვ. სტურუა.

საქართველოს სსრ სახალხო კომისართა საბჭოს
 თავმჯდომარე ფ. მახარაძე.

სრულიად საქართველოს ცენტრალური აღმასრულებელი
 კომიტეტის მდივნის მაგ. შ. მათიკაშვილი.

1929 წ. მაისის 25.

ტფილისი—სასახლე.

124. დადგენილება ც. ა. კ. და ს. კ. ს.

სისხლის სამართლის კოდექსისათვის 143¹ მუხლის დამატების შესახებ

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10 თარიღისა და 77 №-ის დადგენილების (საქართველოს სსრ კან. კრ. 1924 წ. 1-ლი №-რი, მუხ. 7) მე 2 მუხლის წესისამებრ სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭოთა ადგენენ:

სისხლის სამართლის კოდექსს დაემატოს 143¹ მუხლი შემდეგი შინაარსისა:

„მუხ. 143¹. ხელმძღვანელისა თუ ორგანიზატორის სახით კოოპერატიული ორგანიზაციის ამა თუ იმ ფორმის (საშინამრეწველო-სარეწაო, სასოფლო-სამეურნეო, სამომხმარებლო, საინვალიდო და სხვ.), გამოყენება კერძო ბრუნვისა და კერძო კაპიტალის განვითარების დასაფარავად, ექსპლოატატური მიზნების განხორციელებისათვის, გამოიწვევს—

თავისუფლების აღკვეთას სამ წლამდე მთელი ქონების ან მისი ნაწილის კონფისკაციით ან უამისოდ და სამრეწველო ან საეკპრო მუშაობის აკრძალვით.

მეწარმისათვის შეგნებულად ხელის შეწყობა ზემოაღნიშნული მიზნით კოოპერატიული ორგანიზაციის ფორმის გამოყენების საქმეში დამფუძნებლად ყოფნაზე თანხმობის განცხადებით ფაქტიური წევრობით და სხვ., უკეთუ დამნაშავე, როგორც თანამდებობის პირი, არ უნდა მიიღეს ამ ქმედობისათვის უფრო სასტიკ პასუხისგებაში, რაც დაწესებულია ამა კოდექსის მე-III თავში გათვალისწინებულ დანაშაულთათვის, გამოიწვევს—

თავისუფლების აღკვეთას სამ წლამდე.

სრულიად საქართველოს ცენტრალური აღმასრულებელი კომიტეტის თავმჯდომარის მაგ. ვ. სტურუა.

საქართველოს სსრ სახალხო კომისართა საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი კომიტეტის მდიენის მაგ. შ. მათიკაშვილი.

1929 წ. მაისის 25.

ტფილისი—სასახლე.

125. დადგენილება ც. ა. კ. და ს. კ. ს.

მუშათა და გლეხთა წითელი მილიციის დებულების მე-19 და 20 მუხლების გაუქმების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ;



გაუქმებულ იქნეს საქართველოს სსრ მუშათა და გლეხთა წითელი მილიციის დებულების მე-19 და 20 მუხლები (კან. კრ. 1928 წ. მე-4 №-რი, მუხ. 28 და მე-14 №-რი, მუხ. 130).

სრულიად საქართველოს ცენტრალური აღმასრულებელი
კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა საბჭოს
თავმჯდომარე **ფ. მახარაძე.**

სრულიად საქართველოს ცენტრალურ აღმასრულებელი
კომიტეტის მდივანი **ს. თოდრია.**

1929 წ. ივნისის 5.

ტფილისი—სასახლე.

126. დადგენილება ც. ა. კ. და ს. კ. ს.

„თავდაცვა ავიაქიმის“ საზოგადოების მიერ მოსახლეობის გამხედროებისათვის წარმოებული მეცადინეობის დროს დაშავებულ მოქალაქეთა და მათი ოჯახის წევრთა უზრუნველყოფის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღგენენ:

„თავდაცვა-ავიაქიმის“ საზოგადოების მიერ მოსახლეობის გამხედროებისათვის წარმოებული მეცადინეობის დროს დაშავებული მოქალაქენი და მათი ოჯახის წევრნი (ეს უკანასკნელნი ხსენებულ მოქალაქეთა სიკვდილის გამო) გათანაწიორებულ იქნენ უზრუნველყოფის მხრით სამხედრო სამსახურის ინვალიდებთან და მათ ოჯახებთან და გავრცელებულ იქნეს მათზე მოქმედება „სამხედრო სამსახურის ინვალიდთა და მათი ოჯახებისა, გარდაცვალებულ ან უგზო-უკვლოდ დაკარგულ სამხედრო მსახურთა ოჯახებისა, მუშათა და გლეხთა წითელ არმიაში გაწვეულ პირთა ოჯახებისა ღ აგრეთვე კონტრ-რევოლიუციასთან ბრძოლაში აქტიური მონაწილეობის გამო შრომის უნარდაკარგულ პირთა ან ამავე პირობებში მარჩენალის დამკარგველ პირთა სახელმწიფო უზრუნველყოფის დებულებისა“ (საქართველოს სსრ კან. კრ. 1927 წ. მე-9 №-რი, მუხ. 133).

იმ პირთათვის მიყენებული ზიანის ანაზღაურება, რომელნიც გარეშენი არიან და მონაწილეობა არ მიუღიათ ზემოაღნიშნულ მეცადინეობაში, მოხდება სამოქალაქო სამართლის კოდექსით გათვალისწინებული საერთო წესით.

სრულიად საქართველოს ცენტრალური აღმასრულებელი
კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა საბჭოს
თავმჯდომარე **ფ. მახარაძე.**

სრულიად საქართველოს ცენტრალურ აღმასრულებელი
კომიტეტის მდივანი **ს. თოდრია.**

1929 წ. ივნისის 5.

ტფილისი—სასახლე.

127. დადგენილება ც. ა. კ. და ს. კ. ს.

სახელმწიფო ჯიშისანი თესლეულის ფონდის დებულების დამტკიცების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

დამტკიცებულ და სამოქმედოდ შემოღებულ იქნეს ამასთანავე დარაული დებულება სახელმწიფო ჯიშისანი თესლეულის ფონდის შესახებ.

სრულიად საქართველოს ცენტრალური აღმასრულებელი კომიტეტის თავმჯდომარე მ. ცხაკაია.
საქართველოს სსრ სახალხო კომისართა საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი კომიტეტის მდივანი ს. თოდრია.

1929 წ. ივნისის 5.
ტფილისი—სასახლე.

დ ე ბ უ ლ ე ბ ა

სახელმწიფო ჯიშისანი თესლეულის ფონდის შესახებ.

1. სათესი მასალის სარეველასთან ბრძოლისა, თესების გაუმჯობესებისა, სასტანდარტო ჯიშების შექმნისა და რაიონობით გამოცდილი ჯიშისანი მასალით უჯიშო თესლის შეცვლისათვის არსდება ძირითადი კულტურების სახელმწიფო ჯიშისანი თესლეულის ფონდი.

2. სახელმწიფო საჯიშო ფონდი შესდგება ცენტრალური რესპუბლიკანური და ადგილობრივი ფონდებისაგან.

3. სახელმწიფო საჯიშო ფონდი არსდება ნატურალური ფორმით და ნაწილობრივ ფულადი ფორმით და მიწათმოქმედების სახალხო კომისარიატის გამგებლობაშია.

4. ცენტრალური სათესლე ფონდი ნატურალური ფორმით შესდგება სასელექციო ჯიშისანი თესლეულისაგან და, პირველ ხანს, აგრეთვე გაუმჯობესებული თესლეულისაგან.

5. ადგილობრივი სახელმწიფო ფონდები არსდება ნატურალური ფორმით და სამაზრო აღმასრულებელი კომიტეტების საადგილ-მამულო განყოფილებათა გამგებლობაშია.

6. სახელმწიფო საჯიშო ფონდების მიზანს შეადგენს საბჭოთა მეურნეობებისა, კოლექტიურ მეურნეობებისა და ინდივიდუალურ მეურნეობებისათვის ჯიშისანი სათესი მასალის მიწოდება.

7. სახელმწიფო საჯიშო ფონდები შეიქმნება:

- ა) გაუმჯობესებული ჯიშისანი (სასელექციო) თესლის გამოყვანით;
- ბ) ამ თესლის გამრავლებით ჯიშების სიწმინდის შეუცვლელად.

8. სათვის მასალის გამრავლება მოხდება შემდეგი სქემის მიხედვით, რაც გატარებულ უნდა იქნეს რაიონებით:

- ა) ელიტის წარმოება საცდელ სადგურებზე;
- ბ) ელიტის პირველი გამრავლება (რეპროდუქცია) სადღე სა-
ნერგებში და საცდელ სადგურებზე;
- გ) მეორე რეპროდუქცია სათესლე სანერგებში, რაც საცდელი
სადგურების გამგებლობაშია;
- დ) მესამე რეპროდუქცია სათესლე მეურნეობებსა და საბჭოთა
მეურნეობებში;
- ე) მეოთხე რეპროდუქცია კოლექტიურ მეურნეობებსა და სა-
თესლე ამხანაგობებში კოლექტიურ და საგლეხო მეურნეობებისათვის
უშუალოდ მიწოდების მიზნით.

9. სახელმწიფო ფონდების საბოლოოდ შექმნის ვადა განისაზღვრება 10 წლით.

10. თესლის წარმოებისა და თესლის მიწოდების საერთო ხელმძღვანელო-
ბა, დაგეგვა და მოწესრიგება რესპუბლიკაში დაეკისრება მიწათმოქმედების სა-
ხალხო კომისარიატს.

11. ცენტრალური სახელმწიფო ფონდი დანიშნულია:

- ა) ადგილობრივი სახელმწიფო ფონდების შექმნისა და ხელის-
შეწყობისათვის;
- ბ) ცალკე რაიონების კოლექტიურ მეურნეობისა და გლეხების
მომარაგებისათვის ადგილობრივი ფონდის გამგე ორგანიზაციების
მეშვეობით;
- გ) გაუმჯობესებული და ჯიშიანი თესლის წარმოებისათვის;
- დ) სათესლე ამხანაგობათა სახსარის გაძლიერებისათვის.

12. ადგილობრივი სახელმწიფო ფონდები დანიშნულია:

- ა) გაუმჯობესებული და ჯიშიანი თესლეულით უწყებელი რა-
იონის კოლექტიურ და საგლეხო მეურნეობების მასსიური მომარა-
გებისათვის;
- ბ) სათესლე ამხანაგობებში სათესლე საქმის მოწესრიგებისათვის.

13. თესლის მიწოდება სწარმოებს თანდათანობით, ცალკე ჯიშების ერთი-
ანი მასივების შექმნის წესით.

14. გამრავლების დროს ჯიშების სიწმინდის დაცვისათვის სახელმწიფო
კონტროლის გასაწევად მოეწყობა ქსელი საკონტროლო პუნქტებისა, რომელთა
სათავეშია ც სდგას ცენტრალური საკონტროლო სათესლე სადგური.

15. სათესლე სესხი ვაიცემა მხოლოდ ნატურალური ფორმით.

16. სათესლე სესხის ვაიცემის დროს მსესხებელთან დაიდება განსაკუთრე-
ბული ხელშეკრულება, რომლითაც გათვალისწინებულ უნდა იქნეს სათესლე
სესხის მიზნობრივი და რაციონალური გამოყენება.

17. სესხი დაბრუნებულ უნდა იქნეს უახლოესი მოსავლიდან ნატურად ან
ფულად მსესხებლის არჩევით. უკეთეს სესხი ნატურად იქნება დაბრუნებული,
იგი უნდა შეესაბამებოდეს განსაზღვრულ კონდიციას.

18. სათესლე სესხისთვის გადახდევინებულ უნდა იქნეს არა უმეტეს 4⁰/₁₀₀-სა წლიურად; ამასთანავე, ღარიბი და კოლექტიურ მეურნეობებისათვის დადგენილია განსაკუთრებული შეღავათები, რის წესსა და რაოდენობას განსაზღვრავს მიწათმოქმედების სახალხო კომისარიატი.

19. ცენტრალური რესპუბლიკანური სახელმწიფო საჯიშო ფონდი შეიქმნება სხელმწიფო ბიუჯეტში გადადებული სახსარით.

ადგილობრივი სახელმწიფო ფონდები შეიქმნება ადგილობრივი ბიუჯეტების სახსარით და ცენტრალური რესპუბლიკანური ფონდიდან გადადებული სახსარით.

20. მიწათმოქმედების სახალხო კომისარიატს დაევალება გამოსცეს ინსტრუქცია ამა დებულების განხორციელებისათვის.

128. დადგენილება ც. ა. კ. და ს. კ. ს.

„ქალაქებში საბინაო ფონდის სპეციალური კაპიტალის შექმნის თაობაზე“ გამოცემული დადგენილების გაუქმების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1929 წ. იანვრის 30-ს დადგენილებით დამტკიცებული „მუშათა საბინაო მშენებლობისათვის ხელის შემწყობ ღონისძიებათა დებულების“ სამოქმედოდ შემოღების გამო (სსრკ კან. კრ. 1929 წ. მე-9 №-რი, მუხ. 83 და 84) გაუქმებულ იქნეს სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1928 წ. მაისის 9-ს თარიღისა და 30 №-ის დადგენილება „ქალაქებში საბინაო ფონდის სპეციალური კაპიტალის შექმნის შესახებ“ (საქართველოს სსრ კან. კრ. 1928 წ. მე-8 №-რი, მუხ. 62).

სრულიად საქართველოს ცენტრალური
აღმასრულებელი კომიტეტის თავმჯდომარე **მ. ცხაკაია.**

საქართველოს სსრ სახალხო
კომისართა საბჭოს თავმჯდომარე **ფ. მახარაძე.**

სრულიად საქართველოს ცენტრალური
აღმასრულებელი კომიტეტის მდივანი **ს. თოდრია.**

1929 წ. ივნისის 5.
ტფილისი - სასახლე.

129. დადგენილება ც. ა. ქ. და ს. ქ. ს.

სამეცნიერო დარგის მომუშავეთა ბინებში იძულებითი შემჭიდროებისა და გადასახლების აკრძალვის შესახებ.

სამეცნიერო დარგის მომუშავეთათვის ნორმალური და გეგმაშეწონილი მუშაობის უზრუნველსაყოფად სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. სამეცნიერო დარგის მომუშავეთა სექციის ბიუროში რეგისტრირებულ სამეცნიერო დარგის მომუშავეთ დაეტოვებათ მთელი იმ ხნის განმავლობაში, რაც ისინი სამეცნიერო დარგის მომუშავეის წოდებას ატარებენ, ნაციონალიზებულ და მუნიციპალიზებულ სახლებში, აგრეთვე საბინაო-საიჯარო კოოპერატიულ ამხანაგობათათვის საექსპლოატაციოდ გადაცემულ სახლებში მათ მიერ დაქვრივი საცხოვრებელი სივრცე.

2. აკრძალულია 1-ლ მუხლში აღნიშნულ პირთა ბინებში რაიმე შემჭიდროებისა და გადასახლების მოხდენა და აგრეთვე სამეცნიერო დარგის მომუშავეთა იძულება, რათა მათ ოთახების შიგნით გაავლონ ტიხარები ან მოახდინონ ოთახების ასე თუ ისე გადაგვიგემა ამა თუ იმ მოზინავისათვის ზედმეტი ოთახ-შიგნითა სივრცის ჩამოსართმევად, რა ზომისაც უნდა იყოს ეს ზედმეტი სივრცე.

სრულიად საქართველოს ცენტრალური
აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო
კომისართა საბჭოს თავმჯდომარე ფ. მახარაძე.

სრულიად საქართველოს ცენტრალური
აღმასრულებელი კომიტეტის მდივანი ს. თოდრია.

1929 წ. ივნისის 5.
ტფილისი—სასახლე.

130. დადგენილება ც. ა. ქ. და ს. ქ. ს.

საქართველოს სსრ ხიხხ. სამ. კოდექსისათვის 127¹, 127², 127³ და 127⁴ მუხლების დამატებისა და ამ კოდექსიდან 69 მუხლის ამოშლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წლის მარტის 10-ის თარიღისა და 77 №-ის დადგენილების (საქართველოს სსრ კან. კრ. 1924 წ. 1-ლი №-რი, მუხ. 7) მე-2 მუხლის წესისამებრ სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I. საქართველოს სსრ სიხხ. სამ. კოდექსს დაემატოს 127¹, 127², 127³ და 127⁴ მუხლები შემდეგი შინაარსისა:

„127¹. მილიციისა და შრომა-გასწორების დაწესებულებათა საადმინისტრაციო-სამწყობრო შედგენილობის, აგრეთვე სამაძიებლო მილიციის აქტიური შედგენილობის პირთა მიერ სამსახურის თვითნებობით ვადამდე დატოვება გამოიწვევს

იძულებით მუშაობას ექვს თვემდე ან ჯარიმას 300 მანეთამდე.

იგივე ქმედობა, უკეთუ იგი ჩადენილია ბრძოლის პირობებში ან ომიანობის დროს,—

თავისუფლების აღკვეთას ხუთ წლამდე სასტიკი იზოლაციით“.

„127². სამსახურის წესით გაცემული ბრძანების შეუსრულებლობა მილიციის და შრომა-გასწორების დაწესებულებათა სადმინისტრაციო-სამწყობრო შედგენილობის, აგრეთვე სამაძიებლო მილიციის აქტიური შედგენილობის პირთა მიერ გამოიწვევს

თავისუფლების აღკვეთას 2 წლამდე, ან იძულებით მუშაობას 1 წლამდე, ხოლო შემამსუბუქებელ გარემოებაში სადისციპლინო წესდების შეფარდებას.

იგივე ქმედობა, ჩადენილი ჯგუფის მიერ, უკეთუ მას ერთგის წინააღმდეგობის გაწევა და უკეთუ იგი ჩადენილია ბრძოლის პირობებში, ან უკეთუ მას მავნე შედეგი მოჰყვა—

თავისუფლების აღკვეთას ხუთ წლამდე სასტიკი იზოლაციით“.

127³. მილიციისა და შრომა-გასწორების დაწესებულებათა საადმინისტრაციო-სამწყობრო შედგენილობის, აგრეთვე სამაძიებლო მილიციის აქტიური შედგენილობის პირის მიერ ძალადობითი მოქმედებით მეთაურისა ან უმცროსის მიერ უფროსის შეურაცყოფა, უკეთუ ამ დროს ერთი მათგანი მაინც სამსახურებრივ მოვალეობას ასრულებდა, გამოიწვევს

თავისუფლების აღკვეთას ორ წლამდე.

შეურაცყოფა, მიყენებული იმავე პირობებში სიტყვიერ ან არაძალადობითი მოქმედებით,—

იძულებით მუშაობას ექვს თვემდე, ხოლო შემამსუბუქებელ გარემოებაში — სადისციპლინო წესდების შეფარდებას.

იგივე ქმედობა, ჩადენილი იმავე პირობებში მეთაურის მიერ ხელკვეთის მიმართ ან უფროსის მიერ უმცროსის მიმართ—გამოიწვევს პასუხისმგებლობას იმავე საფუძველზე“.

„127⁴. საყარაულო ან საბადრაგო სამსახურის წესდების დარღვევა მილიციის საადმინისტრაციო-სამწყობრო შედგენილობის პირის მიერ გამოიწვევს

იძულებით მუშაობას ექვს თვემდე, ხოლო შემამსუბუქებელ გარემოებაში — სადისციპლინო წესდების შეფარდებას.

საყარაულო წესდების დარღვევა ისეთი ქონების ყარაულობის დროს, რასაც განსაკუთრებით უაღრესი სახელმწიფოებრივი მნიშვნელობა აქვს, ან საყარაულო თუ საბადრაგო სამსახურის წესდების დარღვევა, უკეთუ მას მოჰყვა ის მავნე შედეგი, რომლის თავიდან ასაცილებლადაც აღნიშნული ყარაული ან ბადრაგი იყო დაწესებული, გამოიწვევს

თავისუფლების აღკვეთას სამ წლამდე სასტიკი იზოლაციით ან უამისოდ.

ამა მუხლის მეორე ნაწილში აღნიშნული ქმედობა, უკეთუ იგი ჩადენილია ბრძოლის პირობებში,—

თავისუფლების აღკვეთას ხუთ წლამდე სასტიკი იზოლაციით“.

II. საქართველოს სსრ სისხ. სამ. კოდექსიდან ამოიშალოს 69 მუხლი.

სრულიად საქართველოს ცენტრალური

აღმასრულებელი კომიტეტის თავმჯდომარე **მ. ცხაკაია**.

საქართველოს სსრ სახალხო

კომისართა საბჭოს თავმჯდომარე **ფ. მახარაძე**.

სრულიად საქართველოს ცენტრალური

აღმასრულებელი კომიტეტის მდივანი **ს. თოდრია**.

1929 წ. ივნისის ნ.

ტფილისი—სასახლე.

131. დადგენილება ც. ა. კ. და ს. კ. ს.

საქართველოს სსრ სახელმწიფო ნოტარიატის დებულების 46 მუხლის დამატების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ სახალხო ნოტარიატის დებულების 46 მუხლს (1928 წ. კან. კრებ. მე-16 №-რი, მუხ. 157) დაემატოს მე-3 პუნქტი შემდეგი შინაარსისა:

„პუნ. 3. საკრედიტო დაწესებულებათა ანაბარების შესახებ ცნობების მისაღებად და ანაბარებზე გადახდევინების მისაქცევად—სოციალური დაზღვევის სათანადო ორგანოს დადგენილებას, რომელიც გამოიტანება ა. კ. შრომის სახალხო კომისარიატთან არსებულ სოციალური დაზღვევის საბჭოს მიერ „სოციალური დაზღვევის გადასახდელის ნარჩენების გადახდევინების დროს იძულებითი-უდავო წესის შეფარდების შესახებ“ („შრომის კანონმდ. ვესტნ.“ 1927 წ. მე-17 №-რი) გამოცემული ინსტრუქციის მე-2 მუხ. თანახმად და რომელშიც აღინიშნება: ა) დადგენილების გამოტანის თარიღი, ბ) მენარჩენის სრული სახელწოდება, გ) დრო, რომლის განმავლობაშიაც ნარჩენი დაგროვდა და დ) ნარჩენის საერთო თანხა დადგენილების გამოტანის დღისთვის: ძირითადი შესატანისა ცალკე და საურავისა ცალკე; აგრეთვე აღნიშნული უნდა იყოს, რომ ნარჩენის ფაქტობრივი დაფარვის დღემდე დაირიცხება საურავი და გადახდევინებით გამოწვეული ხარჯები“.

სრულიად საქართველოს ცენტრალური

აღმასრულებელი კომიტეტის თავმჯდომარე **მ. ცხაკაია**.

საქართველოს სსრ სახალხო

კომისართა საბჭოს თავმჯდომარე **ფ. მახარაძე**.

სრულიად საქართველოს ცენტრალური

აღმასრულებელი კომიტეტის მდივანი **ს. თოდრია**.

1929 წ. ივნისის ნ.

ტფილისი—სასახლე.

132. დადგენილება ც. ა. კ. და ს. კ. ს.

ისეთ საქმეთა ქვემდებარეობის შესახებ, რომლებითაც მუშათა და გლეხთა წითელი მილიციის უმაღლესი საკომანდო შედგენილობის პირთ ბრალდებით ზოგიერთი თანამდებობრივი დანაშაული.

ვიდრე სისხლის სამართლის საპროცესო კოდექსი გადაისინჯებოდეს, დაწესებულ იქნეს, რომ ყველა ის საქმე, რომლითაც საქართველოს სსრ მუშათა და გლეხთა წითელი მილიციის უმაღლესი საკომანდო შედგენილობის პირს ბრალდება სისხლის სამართლის კოდექსის 127¹, 127², 127³ და 127⁴ მუხლებში გათვალისწინებული თანამდებობრივი დანაშაული, ექვემდებარება, სისხ. სამ. საპრ. კოდ. 448 მუხ. მე 3 პუნქტის საფუძველზე, უზენაეს სასამართლოს.

სრულიად საქართველოს ცენტრალური
 აღმასრულებელი კომიტეტის თავმჯდომარე **მ. ცხაკაია.**

საქართველოს სსრ სახალხო
 კომისართა საბჭოს თავმჯდომარე **ფ. მახარაძე.**

სრულიად საქართველოს ცენტრალური
 აღმასრულებელი კომიტეტის მდივანი **ს. თოდრაია.**

1929 წ. ივნისის ნ.
 ტფილისი—სახალფე.

ქანტრალური აღმასრულებელი კომიტეტის დადგენილება.

133. დადგენილება ც. ა. კ.

სოფლის მოსახლეობის საგზაო შრომის ბეგარის დებულების შეფარდების თაობაზე გამოცემული ინსტრუქციის მოქმედების ქალაქისა და ქალაქის ტიპის დასახლებული ადგილების მოსახლეობაზე გავრცელების შესახებ.

ამიერკავკასიის ცენტრალური აღმასრულებელი კომიტეტისა და ა/კსფსრ სახლხო კომისართა საბჭოს 1929 წ. მარტის 4-ს დადგენილების თანახმად (ა/კსფსრ კან. კრ. 1929 წ. მე-8 №-რი, მუხ. 81) სრულიად საქართველოს ცენტრალური აღმასრულებელი კომიტეტი ადგენს:

1. ამიერკავკასიის ცენტრალური აღმასრულებელი კომიტეტისა და ა/კსფსრ სახლხო კომისართა საბჭოს მიერ 1928 წ. სექტემბრის 5-ს დამტკიცებული (საქართველოს სსრ. კან. კრ. 1928 წ. მე-6 №-რი, მუხ. 46) „სოფლის მოსახლეობის საგზაო შრომის ბეგარის დებულების“ შეფარდების შესახებ გამოცემული ინსტრუქციის მოქმედება გავრცელებულ იქნეს საქართველოს სსრ ყველა ქალაქისა და ქალაქის ტიპის დასახლებული ადგილების მოსახლეობაზე, ქ.ქ. ტფილისისა, ფოთისა, ქიათურისა, ბორჯომისა, ახალციხისა, სიღნაღისა, თელავისა, სოხუმისა, გუდაუთისა, ოჩემჩირისა და ბათუმის მოსახლეობის გამოკლებით.

2. აღნიშნული ინსტრუქციით გათვალისწინებული სათემო აღმასრულებელი კომიტეტების უფლება-მოვალეობანი ამ ინსტრუქციის ქალაქებში განხორციელების მხრით დაეკისროს იმ ადგილების საქალაქო საბჭოებს, სადაც ეს საბჭოები მოწყობილია.

სრულიად საქართველოს ცენტრალური
აღმასრულებელი კომიტეტის თავმჯდომარის მაგ. ვ. სტურუა.

სრულიად საქართველოს ცენტრალური
აღმასრულებელი კომიტეტის მდივნის მაგ. შ. მათიკაშვილი

1929 წ. მაისის 25.
ტფილისი—სასახლე.

გამოქვეყნებულია გაზ. „კომუნისტის“ 140 №-ში 1929 წ. ივნისის 21.

სახალხო კომისართა საბჭოს დადგენილება

134. დადგენილება ს. კ. ს.

ხენაკის მაზრის კურორტ „ლებარდე“-ს სამთო-სანიტარული ზონის დაწესებების შესახებ.

საქართველოს სსრ სახალხო კომისართა საბჭო ადგენს:

1. დაწესებულ იქნეს ხენაკის მაზრის კურორტ „ლებარდე“-ს სამთო-სანიტარული ზონა საერთო სივრცით 1.280 ჰექტარი, შემდეგი საზღვრებით: ჩრდილოეთით—„ლებარდეს სუკი“ 2.716 მეტრიანი მაღლობის მწვერვალიდან 2.270,82 მეტრის განფენილობით „ღვირის თავის“ 2.665,95 მეტრიანი მაღლობის მწვერვალამდე, აღმოსავლეთით—„ჩამონის სუკი“—„ღვირის თავიდან“ მდინარე ღვირის სათავემდე, სამხრეთით მდინარე ღვირის სათავედან მე-2 კვარტალის (საკვარტალო ბოძი) საზღვრებაზე და დასავლეთით--მე-2 და მე-3 კვარტალების საზღვრის გაყოლებით 2.716 მეტრიანი მაღლობის მწვერვალამდე.

2. აღნიშნულ ზოლში მდებარე ტყე ცნობილ იქნეს დაცვითი ტყედ და მიენდოს მიწათმოქმედების სახალხო კომისარიატს შვირშაოს, ჯანმრთელობის სახალხო კომისარიატთან შეთანხმებით, ხსენებული ტყის მეურნეობის გეგმა.

საქართველოს სსრ სახალხო
კომისართა საბჭოს თავმჯდომარე ფ. მახარაძე.

საქართველოს სსრ სახალხო
კომისართა საბჭოს საქმეთა მმართველი პ. მეგრელიშვილი.

1929 წ. მაისის 21.
ტფილისი—სასახლე.

გამოქვეყნებულია გაზ. „კომუნისტის“ 140 №-ში 1929 წ. ივნისის 21.

135. დადგენილება ს.კ.ს.

საქართველოს სსრ საწარმოთა 7 საათის სამუშაო დღეზე გადაყვანის შესახებ.

რათა საქართველოს სსრ საწარმონი გეგმიანად გადაყვანილ იქნენ 7 საათის სამუშაო დღეზე, საქართველოს სსრ სახალხო კომისართა საბჭო ადგენს:

1. დაევალოს საქართველოს სსრ სახალხო მეურნეობის უმაღლეს საბჭოს და სხვა ორგანოებს, რომელთა განმგებლობაშიც იმყოფებიან 7 საათის სამუშაო დღეზე გადასაყვანი საწარმონი, მიიღონ ყველა ღონისძიება, რათა შვიდი საათის სამუშაო დღეზე ფაქტიურ გადაყვანას წინ უძღოდეს მომზადებელი მუშაობა, რამაც უზრუნველ უნდა ჰქონს სათანადო საწარმოო-საფინანსო გეგმებით გათვალისწინებული შეუფერხებელი განხორციელება წარმოების გაშლისა და თვისებრივი გაუმჯობესებისა (ნედლეულით უზრუნველყოფა, დამატებითი გაწყობილების დადგმა, თვითღირებულების შემცირება, სათანადო კვალიფიკაციის მუშა-ძალით და ტექნიკური პერსონალით უზრუნველყოფა).

2. დაევალოს სახალხო მეურნეობის უმაღლეს საბჭოს და სხვა ორგანოებსა და უწყებებს მიიღონ ღონისძიება, რათა მათ გამგებლობაში მყოფი და 7 საათის სამუშაო დღეზე გადასაყვანი საწარმოანი პირველ რიგში უზრუნველყოფილ იქნენ მათი კაპიტალური სამუშაოების თავის დროზე დაფინანსებით.

3. დაევალოს სახალხო მეურნეობის უმაღლეს საბჭოს და შრომის სახალხო კომისარიატს მიიღონ ყოველივე ღონისძიება შრომის ვითარების გაჯანსაღებისათვის 7 საათის სამუშაო დღეზე გადასაყვან ყველა საწარმოში, და პირველ რიგში ისეთ საწარმოში, სადაც შემოღებულია მომუშავეთა დამატებითი ცვლა; ამ ღონისძიებათა განხორციელებისათვის უზრუნველყოფილ უნდა იქნეს სათანადო ასიგნებები საწარმოო-საფინანსო გეგმებით.

4. წინადადება მიეცეს სახალხო მეურნეობის უმაღლეს საბჭოს, განათლების სახალხო კომისარიატსა და შრომის სახალხო კომისარიატს მიიღონ ღონისძიება, რათა მოწყობილ იქნეს მუშაობა შევირდების წარმოებითი სწავლებისა და მუშების მომზადებისათვის, იმ პირობით, რომ ისინი მიეჩვივნენ ახალ რაციონალური მუშაობის წესს შრომის სამეცნიერო ინსტიტუტებისა და წარმოების ახალი ტექნიკის მიღწევათა საფუძველზე.

5. წინადადება მიეცეს სახალხო მეურნეობის უმაღლეს საბჭოს და განათლების სახალხო კომისარიატს საფაბრიკო საქარხნო შევირდების სკოლების მუშაობა აამაღლონ იმ დონემდე, რომ იგი აკმაყოფილებდეს წარმოების მოთხოვნილებას კვალიფიციური მუშა-ძალის მიმართ, რომელსაც შეთვისებული უნდა ჰქონდეს რაც შეიძლება სრულყოფილი მეთოდები მუშაობისა.

6. წინადადება მიეცეს სახალხო მეურნეობის უმაღლეს საბჭოს და შრომის სახალხო კომისარიატს მოაწყონ 7 საათის სამუშაო დღეზე გადასაყვან საწარმოთათვის საჭირო კვალიფიციური მუშების მომზადება იმ უმუშევართაგან, რომელნიც ირიცხებიან შრომის სახალხო კომისარიატის საშუამავლო ორგანოების აღნუსხვაზე, იმ პირობით, რომ ამ ღონისძიებით მიღწეულ იქნეს საწარმოთათვის თავის დროზე საჭირო კვალიფიციური მუშა-ძალის მიწოდება.

7. დაევალოს ჯანმრთელობის სახალხო კომისარიატსა და განათლების სახალხო კომისარიატს გააძლიერონ ღონისძიებანი 7 საათის სამუშაო დღეზე გადასაყვანი საწარმოთა მუშების ყოფაცხოვრებისა და კულტურულ საჭიროებათა მომსახურებისათვის (ბავშვთა ბაგები, საავადმყოფოები, სკოლები) და ეს ღონისძიებანი უზუნველჰყონ სათანადო ასიგნებებით.

8. დაევალოს საქალაქო და სამაზრო აღმასრულებელ კომიტეტებს მიიღონ საჭირო ღონისძიებანი, რათა 7 საათის სამუშაო დღეზე გადასაყვან საწარმოთა მუშები უზრუნველყოფილ იქნენ რეგულიარული და მოხერხებული მიმოსვლის საშუალებით და მათივე საჭიროებისათვის შეფარდებულ იქნეს ვაჭრობის წარმოების საათები.

9. დაევალოს სახალხო მეურნეობის უმაღლეს საბჭოს მოაწყოს საწარმოთა 7 საათის სამუშაო დღეზე გადასაყვანის წარმოებითი-ეკონომიური შედეგების ისტემატიური დაკვირვება და შესწავლა.

ს საქართველოს სსრ სახალხო

კომისართა საბჭოს თავმჯდომარე ფ. მახარაძე.

საქართველოს სსრ სახალხო

კომისართა საბჭოს საქმეთა მმართველი პ. მეგრელიშვილი.

1929 წ. მაისის 21.

ტფილისი—სასახლე.

გამოკვეყნებულია გაზ. „კომუნისტის“ 127 №-ში 1929 წ. ივნისის 6.

136. დადგენილება ს.კ.ს.

სასარეწაო კოოპერაციის წევრ-შინამრეწველთა უფლებრივი მდგომარეობის შესახებ.

თანხმად სსრკ-ის სახალხო კომისართა საბჭოს 1928 წ. მაისის 21-ს დადგენილების (სსრკ კან. კრ. 1928 წ. 30 №-რი, მუხ. 267) 26 მუხლისა — 1928 წ. ნოემბრის 23-ს დადგენილების რედაქციით (სსრკ კან. კრ. 1929 წ. მე-2 №-რი, მუხ. 9) — საქართველოს სსრ სახალხო კომისართა საბჭო ადგენს:

სასარეწაო კოოპერაციის სისტემაში შემავალი წარმოებითი არტელების წევრნი, რომელნიც საერთო სახელოსნოებში მუშაობენ, კომუნალური მომსახურებისათვის სასყიდლის გადახდისა და შეიღების სწავლების შეღავათების მხრით გათანაბრებულ იქნენ დაქირავებულ მუშებთან.

საქართველოს სსრ სახალხო

კომისართა საბჭოს თავმჯდომარე ფ. მახარაძე.

საქართველოს სსრ სახალხო

კომისართა საბჭოს საქმეთა მმართველი პ. მეგრელიშვილი.

1929 წ. მაისის 21.

ტფილისი — სასახლე.

გამოქვეყნებულია გაზ. „კომუნისტის“ 140 №-ში 1929 წ. ივნისის 21.

137. დადგენილება ს.კ.ს.

კომუნალური ღომბარდების ადგილობრივი გადასახადისა და გამოსაღებისაგან განთავისუფლების შესახებ.

ა/კ. სფსრ ადგილობრივი ფინანსების დებულების 28 მუხ. „თ“ პუნ. (ა/კ. სფსრ კან. კრ. 1926 წ. მე-8 №-რი, მუხ. 697) თანხმად საქართველოს სსრ სახალხო კომისართა საბჭო ადგენს:

განთავისუფლებულ იქნეს საქართველოს სსრ-ისა და მის შედგენილობაში შემავალი აფხაზეთის სსრ-ისა, აჭარისტანის ავტონომიური სსრ-ისა და სამხრეთ-ოსეთის ავტონომიური ოლქის ტერიტორიაზე მომქმედი კომუნალური (საქალაქო) ღომბარდები ყველა ადგილობრივი გადასახადისა და გამოსაღებისაგან.

საქართველოს სსრ სახალხო

კომისართა საბჭოს თავმჯდომარე ფ. მახარაძე.

საქართველოს სსრ სახალხო

კომისართა საბჭოს საქმეთა მმართველი პ. მეგრელიშვილი.

1929 წ. მაისის 28.

ტფილისი — სასახლე.

138. დადგენილება ს. კ. ს.

მტკვარში და ზემოავჭალის ჰიდრო-ელექტრო სადგურის რაიონში ორაგულისა და სხვა თევზის ჭერის აკრძალვის შესახებ.

საქართველოს სსრ სახალხო კომისართა საბჭო აღდგენს:

1. აიკრძალოს ორაგულის და სხვა თევზის ჭერა წელიწადის რა დროც უნდა იყოს მდინარე მტკვარსა და მის ტოტებში ზემოავჭალის ჰიდრო-ელექტრო სადგურისათვის მიჩენილი ტერიტორიის სანაპირო ზოლის ფარგლებში.

2. აიკრძალოს ორაგულის ჭერა მდინარე მტკვარსა და მის ტოტებში, აზერბაიჯანის სოციალისტური საბჭოთა რესპუბლიკის საზღვრიდან დაწყებული, ვიდრე ზემოავჭალის ჰიდრო-ელექტრო სადგურის საკუბრამდე, თებერვლის 1-დან ივლისის 1-მდე.

3. ამა დადგენილების 1 და 2 მუხლების მოქმედება არა ვრცელდება იმ თევზის ჭერაზე, რასაც აწარმოებს აზერბაიჯანის სსრ-ის მიწათმოქმედების სახალხო კომისარიატის ბაქოს იხტიოლოგიური ლაბორატორია.

4. აიკრძალოს საგუბრებისა და სხვა ლობერების გამართვა ამა დადგენილების 1 და 2 მუხლებში აღნიშნულ რაიონებში.

5. აიკრძალოს ამა დადგენილების 1 და 2 მუხ. აღნიშნული ხნის პერიოდში ორაგულის გაყიდვა თევზის მრეწველობის ზედამხედველობის სათანადო ნებართვის გარეშე.

6. ამა დადგენილების 1, 2 და 4 მუხლების დარღვევისათვის დანაშაუვებ პასუხს აგებს სისხლის სამართლის კოდექსის 89 მუხლის 1-ლი ნაწილის თანახმად, ხოლო მე-5 მუხლის დარღვევისათვის—იმავე კოდექსის 111 მუხლის თანახმად.

საქართველოს სსრ სახალხო კომისართა
საბჭოს თავმჯდომე რე ფ. მახარაძე.

საქართველოს სსრ სახალხო კომისართა საბჭოს
საქმეთა მმართველი პ. მეგრელიშვილი.

1929 წ. მაისის 28.

ტფილისი—სასახლე.

გამოქვეყნებულია გაზ. „კომუნისტის“ 132 №-ში 1929 წ. ივნისის 12.

139. დადგენილება ს.კ.ს.

„საქართველოს სსრ სახალხო კომისართა საბჭოს და ეკონომიური საბჭოს მინდობილობათა აღსრულებისათვის კონტროლის გაწევის თაობაზე“ გამოცემული დადგენილების რედაქციის შეცვლის შესახებ.

საქართველოს სოც. საბჭ. რესპ. სახალხო კომისართა საბჭო აღდგენს:

საქართველოს სსრ სახალხო კომისართა საბჭოს 1928 წლის აპრილის 3-ს დადგენილებაში „საქართველოს სსრ სახალხო კომისართა საბჭოს და ეკო-

ნომიური საბჭოს მინდობილობათა აღსრულებისათვის კონტროლის გაწევის შესახებ“ (საქართველოს სსრ კან. კრ. 1928 წ. მე-5 №-რი, მუხ. 40) შეტანილ იქნეს შემდეგი სარედაქციო ცვლილება:

1. 1-ლი მუხლის შენიშვნა ამოშლილ იქნეს.

2. მე-2 მუხლი მიღებულ იქნეს შემდეგი რედაქციით:

„საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობა ყველა იმ საკითხის გამო, რაც საქართველოს სსრ მთავრობის დავალებათა და მინდობილობათა შესრულებასთან არის დაკავშირებული, უშუალოდ მიმართავს აფხაზეთის სსრ-ისა, აჭარისტანის ავტონომიური სსრ-ისა და სამხრეთ-ოსეთის ავტონომიური ოლქის მთავრობებს და აგრეთვე რესპუბლიკანურ უწყებათა და დაწესებულებათა ხელმძღვანელებს“.

3. მე-3 მუხლის „ა“ და „გ“ პუნქტები მიღებულ იქნეს შემდეგი რედაქციით:

„ა) მინდობილობის შესრულების ვადას საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველი, როგორც საერთო წესი, შეუთანხმებს დაინტერესებულ უწყებას და დაწესებულებას და ამ ვადას დაამტკიცებს საქართველოს სსრ სახალხო კომისართა საბჭოს თავმჯდომარე ან მისი მოადგილე“.

„გ) მინდობილობის შესრულების ვადის გადადება შეიძლება განსაკუთრებულ შემთხვევაში; ამასთანავე, მინდობილობის განსაზღვრულ ვადაზე შესრულების შეუძლებლობის შესახებ, მიზეზის აღნიშვნით, უნდა ეცნობოს საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობას წინასწარ, ყოველ შემთხვევაში, მინდობილობის შესრულების ვადის გასვლამდე. უკეთეს მინდობილობის შესრულების ვადის გადადება აუცილებელია, საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველი, რესპუბლიკანურ უწყებათა და დაწესებულებათა ხელმძღვანელებთან შეთანხმებით, დაადგენს მინდობილობის შესრულების ახალ ვადას და წარუდგენს მას დასამტკიცებლად საქართველოს სსრ სახალხო კომისართა საბჭოს და ეკონომიური საბჭოს თავმჯდომარეს ან მის მოადგილეს“.

4. მე-4 მუხლი მიღებულ იქნეს შემდეგი რედაქციით:

„მინდობილობის შესრულებისათვის თვალყურის დევნება სათანადო უწყებაში დაეკისრება სახალხო კომისარს (ან დაწესებულების პასუხისმგებელ ხელმძღვანელს) ან ერთ-ერთ მის მოადგილეს, რომელიც დავალების მიღებისას შეიმუშავებს მისი აღსრულების გეგმას, გაანაწილებს აღსრულებასთან დაკავშირებულ მუშაობას თავის აპარატში და დანიშნავს აღნიშნული დავალების პასუხისმგებელ აღმსრულებელს“.

5. მე-6 მუხლი მიღებულ იქნეს შემდეგი რედაქციით:

„წინადადება მიეცეს მუშათა და გლეხთა ინსპექციის სახალხო კომისარი-ატს—უზრუნველყოს საქართველოს სსრ მთავრობის მინდობილობათა შესრულებლობის მიზეზის სისწრაფო გამორკვევა, როგორც-კი ამის შესახებ აცნო-

ბებს მას საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველი“.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

საქართველოს სსრ სახალხო კომისართა
საბჭოს საქმეთა მმართველი პ. მგერელიშვილი.

1929 წ. ივნისის 4.
ტფილისი—სასახლე.

140. დადგენილება ს.კ.ს.

საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობის დებულების შეცვლის შესახებ.

საქართველოს სსრ სახალხო კომისართა საბჭო ადგენს:

საქართველოს სსრ სახალხო კომისართა საბჭოს 1928 წ. თებერვლის 3-ს დადგენილებით დამტკიცებული „საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობის დებულების (საქართველოს სსრ კან. კრ. 1928 წ. მე-2 №-რი, მუხ. 14) მე-3, 4, 5, 6 და 7 მუხლები შეიცვალოს და მიღებულ იქნეს შემდეგი რედაქციით:

„მუხ. 3. საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს საქმეთა მმართველობის სათავეში სდგას საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს საქმეთა მმართველი, რომელსაც დანიშნავს საქართველოს სოც. საბჭ. რესპუბლიკის სახალხო კომისართა საბჭო და რომელსაც აქვს სათათბირო ხმის უფლება საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს სხდომებში.

სახალხო კომისართა საბჭოს და ეკონომიური საბჭოს საქმეთა მმართველს ჰყავს მუდმივი მოადგილე“.

„მუხ. 4. საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს საქმეთა მმართველს უფლება აქვს:

ა) წარმართოს, კანონით დადგენილი წესისამებრ, საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს ყველა საქმე, მისცეს ხოლმე საქართველოს სოც. საბჭ. რესპუბლიკის უწყებებსა და დაწესებულებებს, სახალხო კომისართა საბჭოს და ეკონომიური საბჭოს თავმჯდომარისა და თავმჯდომარის მოადგილის დირექტივების თანახმად, სათანადო განმარტება საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს მიერ განსახილველი საკითხების შემუშავებისა და შეთანხმების შესახებ, მოსთხოვოს საქართველოს სოც. საბჭ. რესპუბლიკის უწყებებსა და დაწესებულებებს საჭირო მასალა და ანგარიშები სა-

ქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს დადგენილებათა შესრულების შესახებ, დააბრუნოს ესა თუ ის საქმე და კანონ-პროექტი დამატებითი შემუშავებისათვის;

ბ) მოიწვიოს ხოლმე საუწყებათაშორისო და პერსონალური კომისიები და თათბირები საქმეთა მმართველობის მუშაობის პროცესში აღძრული საკითხების განსახილველად;

გ) განავსოს საქართველოს სოც. საბჭ. რესპუბლიკის სახალხო კომისართა საბჭოს ხარჯთ-აღრიცხვით ასიგნებული კრედიტები;

დ) დასდოს ყოველგვარი სამოქალაქო გარიგება, რაც საჭიროა საქართველოს სოც. საბჭ. რესპუბლიკის სახალხო კომისართა საბჭოს სამეურნეო მომსახურებისათვის“.

„მუხ. 5. საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს საქმეთა მმართველობის შედგენილობაში შედის:

ა) საერთო განყოფილება, რომელიც შესდგება კანცელარიისა, საერთო რეგისტრატურისა, პირადი შედგენილობის ნაწილისა, მანქანით გადამწერთა ბიუროს და არქივისაგან;

ბ) სარედაქციო-იურიდიული განყოფილება;

გ) საინფორმაციო განყოფილება;

დ) საადმინისტრაციო-სამეურნეო განყოფილება, რომელიც შესდგება მატერიალური ნაწილისა, სატრანსპორტო ნაწილისა გარაჟითურთ, სტამბისა და კომინდატურისაგან;

ე) საანგარიშო-საფინანსო განყოფილება;

ვ) საოქმო ნაწილი;

ზ) საიდუმლო ნაწილი;

თ) აღსრულების კონტროლის ნაწილი.

სახალხო კომისართა საბჭოს და ეკონომიური საბჭოს საქმეთა მმართველობის განყოფილებები და ნაწილები შესდგება თანამშრომლებისაგან კანონით დადგენილი წესისამებრ დამტკიცებული შტატის მიხედვით“.

„მუხ. 6. განყოფილებათა გამგეებს დანიშნავს საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე, ხოლო დანარჩენ თანამშრომლებს საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს საქმეთა მმართველი; საქმეთა მმართველის მოადგილეს და სარედაქციო-იურიდიული განყოფილების გამგეს—სახალხო კომისართა საბჭოს უფროს იურისკონსულტს—დანიშნავს სახალხო კომისართა საბჭო“.

„მუხ. 7. საქართველოს სოც. საბჭ. რესპუბლიკის სახალხო კომისართა საბჭოს და ეკონომიური საბჭოს საქმეთა მმართველობის განყოფილებათა და ნაწილთა სტრუქტურა და მოქმედების წესი განისაზღვრება საქართველოს სოც. საბჭ. რესპუბლიკის სახალხო კომისართა საბჭოს თავმჯდომარის მიერ დამტკიცებული ინსტრუქციებით“.

შენიშვნა. სარედაქციო-იურიდიული განყოფილება მოქმედობს საქართველოს სოც. საბჭ. რესპუბლიკის სახალხო კომისართა საბჭოს მიერ დამტკიცებული განსაკუთრებული დებულების თანახმად“.

საქართველოს სსრ სახალხო კომისართა
 საბჭოს თავმჯდომარე ფ. მახარაძე.

საქართველოს სსრ სახალხო კომისართა
 საბჭოს საქმეთა მმართველი პ. მეგრელიშვილი.

1929 წ. ივნისის 4.
 ტფილისი—სასახლე.

141. დადგენილება ს. ძ. ს.

საქართველოს სსრ სახალხო კომისართა საბჭოს და ეკონომიური საბჭოს სამდინვოსთან არსებული სარედაქციო-იურიდიული განყოფილების დებულების რედაქციის შეცვლის შესახებ.

საქართველოს სსრ სახალხო კომისართა საბჭო ადგენს:

1. სათაური საქართველოს სსრ სახალხო კომისართა საბჭოს 1928 წ. თებერვლის 8-ს დადგენილებით დამტკიცებული დებულებისა—საქართველოს სსრ სახალხო კომისართა საბჭოს და ეკონომიური საბჭოს სამდინვოსთან არსებული სარედაქციო-იურიდიული განყოფილების შესახებ (საქართველოს სსრ კან. კრ. 1298 წ. მე-2 №-რი, მუხ. 15) მიღებულ იქნეს შემდეგი რედაქციით:
 „დებულება საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობასთან არსებული სარედაქციო-იურიდიული განყოფილების შესახებ“.

2. შემოადინებული დებულების 1-ლი მუხლის შესავალი ნაწილი, იმავე მუხლის „კ“ და „ლ“ პუნქტები, მე-2 და 5 მუხლები, მე-7 მუხლის მე-2 ნაწილი და მე-8 მუხლი შეიცვალოს და მიღებულ იქნეს შემდეგი რედაქციით:

მუხ. 1 (შესავალი ნაწილი). „საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობასთან არსებობს სარედაქციო-იურიდიული განყოფილება, რომელსაც დაეკისრება:“

1-ლი მუხლი პუნ. „კ“. „შეადგინოს საქართველოს სსრ სახალხო კომისართა საბჭოს, საქართველოს სსრ ეკონომიური საბჭოს, მათი თავმჯდომარისა ან მისი მოადგილეებისა და საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველის დავალებით იურიდიული ხასიათის ყოველგვარი მოხსენება და ქაღალდი.“

1-ლი მუხლის პუნ. „ლ“. „შეასრულოს საქართველოს სსრ სახალხო კომისართა საბჭოს და ეკონომიური საბჭოს თავმჯდომარის, მისი მოადგილეებისა და საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველის სპეციალური მინდობილობა.“

მუხ. 2. „სარედაქციო-იურიდიული განყოფილების სათავეში სდგას საქართველოს სსრ სახალხო კომისართა საბჭოს: უფროსი იურისკონსულტი, რომელიც განაგებს ამ განყოფილებას საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველის საერთო ხელმძღვანელობით და რომელსაც თანამდებობაზე დანიშვნას საქართველოს სსრ სახალხო კომისართა საბჭო.“

მუხ. 5. „უფროსი იურისკონსულტი სარედაქციო-იურიდიული განყოფილების ქვემდებარე საკითხებს მოახსენებს, კუთვნილებსამებრ, სახალხო კომისართა საბჭოს, ეკონომიური საბჭოს, მათ თავმჯდომარეს ან მის მოადგილეს, და სახალხო კომისართა საბჭოს და ეკონომიური საბჭოს საქმეთა მმართველს.“

მე-7 მუხლის მე-2 ნაწ. „უკეთუ გამოსაქვეყნებელი დადგენილების ტექსტის საბოლოო რედაქციის დროს უფროსი იურისკონსულტი აღმოაჩენს მომქმედ კანონმდებლობასთან რაიმე შეუთანხმებლობას, რაც სარედაქციო წესით არ შეიძლება თავიდან აცილებულ იქნეს, იგი მოვალეა წერილობით მიაქციოს ამ გარემოებას საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველის ყურადღება.“

მუხ. 8. „უფროს იურისკონსულტს უფლება აქვს მოსთხოვოს, საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველის მეშვეობით, საქართველოს სსრ ყველა უწყებას და დაწესებულებას სათანადო მასალებისა და ცნობების წარმოდგენა და აგრეთვე პასუხისმგებელი წარმომადგენლის გამოგზავნა საქართველოს სსრ სახალხო კომისართა საბჭოს და ეკონომიური საბჭოს დადგენილებათა რედაქციაში მონაწილეობის მისაღებად.“

საქართველს სსრ სახალხო კომისართა
 საბჭოს თავმჯდომარე ფ. მახარაძე.

საქართველოს სსრ სახალხო კომისართა
 საბჭოს საქმეთა მმართველი პ. მეგელიშვილი.

1929 წ. ივნისის 4.
 ტფილისი — სასახლე.

142. დადგენილება ს.კ.ს.

სამედიცინო და სავეტერინარო დარგის მომუშავეთა და აგრეთვე სასოფლო და სატყეო მეურნეობის სპეციალისტთა შვილების სასწავლებელში მიღების მხრივ მუშათა შვილებთან გათანაბლოების შესახებ.

სამედიცინო და სავეტერინარო დარგის მომუშავეთა და აგრეთვე სასოფლო და სატყეო მეურნეობის სპეციალისტთა შვილებისათვის განათლების მიღების გასაადვილებლად — საქართველოს სსრ სახალხო კომისართა საბჭო ადგენს:

სამედიცინო და სავეტერინარო დარგის იმ მომუშავეთა და აგრეთვე სასოფლო და სატყეო მეურნეობის იმ სპეციალისტთა შვილებს, რომელთაც საბ-



კოთა ხელისუფლების დროს სოფელ-ადგილას და მუშებით დასახლებულ ადგილას უმუშაენიათ არა ნაკლებ 3 წლისა, მათ შორის აღნიშნული კატეგორიების გარდაცვილი პირთა შვილებსაც, რომელთაც უმუშაენიათ აღნიშნული დროის განმავლობაში, მიენიჭოს სასწავლებელში შესვლისათვის ყველა ის უპირატესობა, რაც მუშების შვილებს აქვთ.

საქართველოს სსრ სახალხო კომისართა
საბჭოს თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1929 წ. ივნისის 4.
ტფილისი—სასახლე.

143. დადგენილება ს. კ. ს.

წითელი არმიის პოლიტ-განმანათლებელი დაწესებულებების მიერ მოსაწყობ სანახაობათა და გასართობთა ადგილობრივი გადასახადისა და გამოსაღებისაგან განთავისუფლების შესახებ.

საქართველოს სსრ სახალხო კომისართა საბჭო ა დ გ ე ნ ს:

განთავისუფლებულ იქნეს ყველა სანახაობა და გასართობი, რასაც საქართველოს სსრ ტერიტორიაზე მყოფი წითელი არმიის ნაწილების პოლიტ-განმანათლებელი დაწესებულებები მოაწყობენ, ადგილობრივი გადასახადისა და გამოსაღებისაგან, იმ შემთხვევაში, როდესაც ეს სანახაობა და გასართობი იმართება მხოლოდ წითელარმიელებისათვის და მათზე სამხედრო უწყებისათვის გარეშე პირნი არ შეიშვებიან.

საქართველოს სსრ სახალხო კომისართა
საბჭოს თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1929 წ. ივნისის 11.
ტფილისი—სასახლე.

144. დადგენილება ს. კ. ს.

საქართველოს სსრ ქალაქებში მუშათა საბინაო მშენებლობის წახალისების შესახებ.

საქართველოს სსრ ქალაქებში მუშათა საბინაო მშენებლობის წახალისების მიზნით საქართველოს სსრ სახალხო კომისართა საბჭო ადგენს:

1. წინადადება მიეცეს ადგილობრივ საბჭოებს დაუბრკოლებლად მიუჩინონ მიწის ნაკვეთები მუშებსა და მოსამსახურეებს ინდივიდუალური აღნაგობისათვის.

2. მუშა-მოსამსახურეთათვის მიწების მიჩენა ინდივიდუალური აღნაგობისათვის უნდა სწარმოებდეს შემდეგ საფუძველზე:

ა) მიწის ნაკვეთები მიჩენილ უნდა იქნეს სივრცით 300-დან 450 კვ. მეტრამდე ფასადით არა ნაკლებ 15 მეტრისა სიგრძით;

ბ) ნაკვეთი გაიცემა 65 წლის ვადით; ამასთანავე, ხელშეკრულება აუცილებლად დადებულ უნდა იქნეს სანოტარო წესით.

გ) სააღნაგო უფლების შესახებ დადებულ ხელშეკრულებაში გათვალისწინებულ უნდა იქნეს მეაღნაგის ვალდებულება, რომ იგი საცხოვრებელი სახლის შენებას შეუდგება ორი წლია განმავლობაში დღიდან ხელშეკრულების დადებისა;

დ) მიჩენილი მიწის ნაკვეთის დაგეგმვა—მასზე სკვერებისა, ქუჩებისა, მოედნებისა და საზოგადო სარგებლობის ნაგებობის აღნიშვნით—სწარმოებს ადგილობრივ საბჭოების ძალებით უფასოდ;

ე) მიჩენილ ნაკვეთებამდე ქუჩების გაყვანა და აგრეთვე კანალიზაციისა, წყალსადენისა, განათებისა და ქვაფენილების მოწყობა სწარმოებს ადგილობრივი საბჭოების ხარჯზე.

3. გაცემულ ნაკვეთებზე შენობები აიგება ადგილობრივი საბჭოების მიერ დამტკიცებული გეგმების თანახმად.

საქართველოს სსრ სახალხო კომისართა
საბჭოს თავმჯდომარის მოადგილე **გ. მაღალბლიშვილი.**

საქართველოს სსრ სახალხო კომისართა
საბჭოს საქმეთა მმართველი **პ. მეგრელიშვილი.**

1929 წ. ივნისის 11.

ტფილისი—სასახლე.

გამოქვეყნებულია გაზ. „კომუნისტის“ 142 №-ში 1929 წ. ივნისის 11.